

DS
754
'7
S5
1738
v. 73

EAST ASIAN LIBRARY
UNIVERSITY OF TORONTO LIBRARY
130 St. George Street
8th FLOOR
TORONTO, CANADA M5S 1A5

University of Toronto
Library
e567/b
ASIAN COLLECTION

硃批諭旨

舒喜葛森南天祥
冶大雄何國宗博爾多
奏摺

硃批舒喜奏摺

雍正七年五月初二日巡察直隸等處農務御史

臣舒喜謹

奏爲萬民歡欣感戴二麥豐茂情形仰祈

睿鑒事竊

臣一介庸愚荷蒙

皇上鴻恩畀以直隸巡農重任自受事以來幾經兩月

於保定正定順德廣平大名五府之內已歷四十

餘州縣凡遇市集村莊暨鄉僻農民稠密之處臣

皇上必將

皇上重農務本愛育羣黎之至意諄諄訓誨鄉民盡皆

歡躍伏地叩頭齊聲呼佛頂祝

皇上萬壽無疆今年春季雨潤風和二麥暢茂將次納
場豐收可必其餘高粱豆穀等項俱各一望青蔥
至於新開水田阡陌成行溝洫流通目下將近栽
插臣已再三勸民及時耕耨毋惰農功又復誠飭
州縣勤加督率矣其未到州縣俟臣次第查閱多
方勸課冀小民悉盡力東作收效西成以仰報

皇上簡任微臣之恩於萬一耳謹先將萬民歡忻感戴
暨二麥將登情形具摺奏

聞伏乞

皇上睿鑒謹
奏
覽奏知道了但凡百處不可欺飾

雍正七年六月初四日巡察直隸等處農務御史
臣舒喜謹
奏爲請建倉房以免積穀霉爛以杜規避交盤事竊
臣職司勸農分外之事何敢更叅末議但州縣官
吏以地畝錢糧倉穀皆農務所自出無不列冊申
送到臣因得以勸課之暇細爲查閱所過六十
餘州縣內倉穀存貯多寡不等而其中之最易於

霉爛最難於交盤者未有如廣平府所屬之清河縣也查該縣各項存貯之穀通共四萬四千八百三十九石之多而倉房則僅十間止容穀一萬二千石其餘則土囤四十六所民房十二所祠廟二所俱各散處不倫看守甚難兼之地形卑濕易於霉爛是以歷來接任各官寧甘受交盤規避之處分而冀免日後霉爛之貽累臣思倉穀原以備賑所關甚重仰懇

皇上敕下地方官吏擇縣中高燥之處創建倉房數十間將四散之穀總歸一處則看守既易霉爛可免

有司之交盤自無規避之弊矣臣謹具摺奏
聞伏乞主王慈大鑒訓或補發八千並派合總百按
皇上睿鑒施行謹其業清亦全兩番五主萬餘受取
奏聞謹奏
該督唐執玉察明具奏

雍正七年七月初四日巡察直隸等處農務御史

臣舒喜謹

奏為特叅受賄濫派之員以抒民怨以肅吏治事竊
臣於六月十八日巡至河間府獻縣地方見百姓
百餘人遮道喊冤曰稟河衛主簿王永任受賄違

例濫派民夫有錢者免無錢者拏正值農忙籤票
疊差乞救民命等語臣當卽以好言解散面囑知
縣李思鄴細查的實情由速卽詳覆臣於二十三
日巡至寧津縣乃獻縣詳文未到而鄉民呂世恩
等十餘人復追至二百里之外具呈哀訴據詞內
稱獻縣有漳河洋河二水築堤一道以禦水災舊
例額設淺夫挑濬頂堤地主修堤不煩衆力固各
司其事各安其業者也今河衙王主簿私受頂堤
地主王進才劉順廷制錢八千濫派合縣百姓修
築以致小民地畝拋荒棄家逃避等情臣於二十

九日巡至河間府查得康熙五十三年小民亦因
派夫不公紛紛呈告總督批示悉照舊遵行不得
擅派鄉民於五十五年建碑在府衙之外乃主簿
王永任不遵舊例竟敢受賄私派似此貪婪不肖
之員相應叅處以肅吏治者也再防河堤工自應
每歲興修以堵水患臣請
皇上敕下督臣嚴飭管河官吏遇修築之時悉依舊例
禁止濫派則百姓自無怨尤後之司事者亦不敢
再爲更變矣臣謹具摺奏

聞伏乞

皇上睿鑒施行謹

奏

該部嚴察議奏

同日又

奏爲恭報秋禾豐茂萬民歡悅事竊臣自任事以來
已歷八十餘州縣矣前五月內雨水尚少今於六
月初二日起至初八初九日止各州縣俱申報四
境雨水霑足臣巡行得雨地方遍野秋禾豐茂異
常萬民歡欣載道臣下馬勸農百姓向臣云民等
叨蒙

萬歲洪福現今時雨下沛將來秋苗可望十分收穫等

語臣復將

皇上宵旰精勤時切民瘼之意反復誠諭爾等果能戒
率子弟務本力農不致游手好閒以仰體事之員

皇上愛民如子之心則感召所致自必歲登大有永享

太平之樂於無旣矣鄉民皆點首會意臣謹將秋

禾豐茂萬民歡悅情形具摺奏山總問以八品

聞謹爲糾令更吏出關莊非失如縣教之員謹以整

奏

秋禾雖云現在豐茂屆收穫之期尚早何遂預定十分

多此一番瀆奏也

同日又

奏爲縣令屢更吏治闕茸非老成練達之員難以整
理事竊臣巡至順德府屬之唐山縣問以八品頂
帶之老農行來已經多年何以尚無一名據知縣
趙杲稟稱唐山縣自雍正三年七月起至雍正七
年五月四年之內中間陞任調補叅革署事之員
共換過十一人任事不過半年三月縣中錢穀民
詞甚繁是以未暇議及保舉老農之事臣思歲舉

萬歲老農乃

今報雨下前報來林苗四望十分外蘇等

國家曠典司事者尚且因循怠忽則凡事之廢弛不問可知矣臣訪得邑中錢穀虧空不清百姓刁頑健訟現任知縣趙杲臣視其年紀尚輕又且筮仕方始未經歷練恐不能勝此繁劇之任臣請皇上敕下督臣揀一精明歷練才猷素著之員調補此縣庶廢者可舉頑者知儆錢糧倉穀亦得清結矣臣不揣愚陋謹具摺奏

聞伏乞 皇上睿鑒施行謹

奏

據奏該邑於四年之內已換過十一人等語今若又將趙杲改移則係十二人矣思之

雍正八年四月十六日巡察直隸等處農務御史

臣舒喜謹

奏爲恭報二麥豐茂萬民歡悅情形仰祈

睿鑒事竊臣荷蒙

皇上鴻恩再任巡農直省愈增感激之心倍切報效之志於四月初間巡至大名府屬州縣鄉民告臣今年麥子被二月二十五日一晝夜風霜侵損第二日天晴起視皆葉捲支垂間有幾至枯槁者民等

奏甚爲憂慮忽以三月初旬連得和風暢雨不幾日
而向之支垂葉捲者暢茂條達幾至枯槁者徧發
新支大長麥穗此皆日滋察直隸等處農務
萬歲愛民之心切故有默佑之者使枯黃之麥復生豐
茂之穗民等不勝歡幸之至續又據大名府魏縣
奏申報亦同前由臣訪得順德廣平大名三府州縣
皇土百姓每歲惟仗二麥豐收以爲賦稅養育之需故
間大地畝之種二麥者十居八九自風霜侵損之後諸
穀之價值日增今者雨順風和麥穗足實市價仍
舊和平百姓歡聲載道目下將次收割豐登實可

預期此誠

國家之上瑞黎民之大慶也理合據實奏

聞伏乞

皇上睿鑒謹

奏

覽奏二麥豐茂情形知道了

所奏老農一摺交部議矣

雍正八年六月十三日巡察直隸等處農務御史

臣舒喜謹

奏爲功績及人深遠士民感激靡涯懇請雨不數日

上達以伸情悃以誌不忘事竊臣於六月初八日接得
順德府詳據署任縣知縣王廷棟詳稱任縣闔邑
士民趙懷玠等呈稱任邑東北有大陸澤爲沙沼
馬泰等十七水之滙而以澧河爲渠由穆家口而
命發隆平而寧晉下達天津水有所歸任不受害自澧
河塞而大陸之水遂有蓄無洩沒民田千有餘頃
自元時至

本朝康熙年間雖有開導澧河之議民心未一民力
未濟以故任境內四十餘村千百年來瀰漫汪洋
公私甚苦欽惟我

皇上如天好生軫念民瘼

特命怡親王省視河防量度築濬我王仁慈明敏勤宣德意雍正三年抵任境問民疾苦親詣踏勘察諸流之源委相地勢之高下爰赴

闕請

命發帑金二萬餘兩於四月興工挖河自穆家口橋北起至寧晉縣界袤延四十餘里爲民興利迨功成而大陸作不特附近村莊永無被水之虞卽豁免之田可以漸次墾種者且二百六十餘頃矣玠等竊謂我王盛德獲福方興未艾孰知勤勞成證至

今歲仲夏而不諱也耶棠陰方茂天問無從感激
涕零情何能已禮曰法施於民則祀之能捍大患
禦大災者則祀之玠等不揣愚昧意欲卜地建祠
春秋享祀以畧申報本之微誠以稍酬深仁於萬

一特以

天潢之尊理合請

命不敢擅便伏乞轉申懇

題俯遂愚忱俟工竣之日再行恭請

宸翰匾額對聯以昭誠敬俾

聖恩呈等情到縣詳府轉詳到臣臣不敢壅於上哀土
聞謹據實繕摺具

奏伏乞

皇上睿鑒施行謹

天奏之尊聖合肅

交該部議覆候旨舉行

雍正九年四月二十二日巡察直隸等處農務御

史臣舒喜謹

奏爲敬陳被水州縣民地情形仰祈

睿鑒事竊臣

奉而不韌

也耶棠劍式效

天問無咎

風燭

命巡農自二月十二日出京以順德廣平大名三府去年偶被水災恐有積水未消耕稼未徧之所因而先行巡視凡過州縣被水村莊務必繞道查驗第見青黃滿目高下徧栽百姓安堵惟巡至大名府屬長垣縣境見一路扶老携幼紛紛投縣者絡繹不絕臣駐馬詢問據稱我等俱係垣邑百姓縣中現在施粥來此就食臣卽查問邑令我皇上發帑賑濟未久何得又有此等窮民縣官稟稱舊年散賑止將朝不謀夕窮民註冊給發其外有兩三月口食之家不曾散給今者餘糧告匱青黃未

接因邑中紳衿捐穀施粥所以咸來就食等語臣
隨將垣邑貧民情景移咨總督總督亦於臣移未
到之先訪知垣邑有乏食貧民差人捐銀資助今
又見臣移咨到時自必加意撫恤諒垣邑貧民決
不至於失所也再今四月初七日起至十二日順
廣大三府各州縣申報得雨分寸四境沾足將來
二麥豐收藏穀之家盡皆糶賣米價自必頓減茲
臣於四月二十日順廣大各州縣俱已巡遍理合
先將三府民地情形具摺陳

命奏伏乞

二月十二日出京以副勅諭平大各三在去

皇上睿鑒施行謹

奏

觀汝所奏太似偏於粉飾

皇上雍正九年五月十五日巡察直隸等處農務御史

臣舒喜謹

奏爲敬陳因地制宜以資民用仰祈

睿鑒事竊臣巡至順德府唐山縣境見周圍數里間有

皇上浮沙地數百餘頃竝無種作因詢鄉民如何不行

播種任其荒蕪據云此地浮沙衝壓已久人力難

施不能種植五穀若創開浮沙亦可栽插榆柳以

收地利但繫官土所以無人敢種任其荒蕪等語

臣仰體

皇上重農務本愛育羣黎至意細察此地實繫沙磧不
可墾堪五穀然與其拘爲官土任其廢棄何如因地制
奏宜收其利用況以公家之曠土佐閭閻之謀生甚
爲有益懇請

皇上敕地方官凡有沙磧官地如唐山縣者俱各造冊
申報除內中人力可施稍堪種五穀者仍勸民樹
藝五穀照例報查外餘則丈明畝數給付附近村
莊願開種樹木之居民令其管業種植將十年之

後斧斤可施材木可用倘或土性相宜可以栽培
菓木則落實取英於民更爲利益矣臣管見如斯
謹具摺陳工部不審姪狀疊蒙恩恩責育外觀若糾
奏伏乞 聖鑒施行謹帶具奏
皇上睿鑒施行謹帶具奏
奏因查開朕前帶平衛等員至某縣聖式不稱端引
該部議奏工部計其開墾聖式不稱端引

雍正九年七月初一日巡察直隸等處農務御史

臣舒喜謹

奏爲奏

聞事竊臣巡至河西務地方訪得六月十九日正值會
集之期四鄉居民貿易甚盛不謂有修築河堤工
徒齊聚數十人攔阻運河同知程恂於集上需索
修堤工價拉住馬鑲圍遶喧鬧觀者如堵叅將馬
國奇聞知卽帶守備等員至集彈壓方行解散臣
思河西務一帶堤岸歲歲興修工役頗多從未聞
夫役敢如此肆行無忌者今此之舉實所罕聞如
實係散給工價不清致起釁端則責有攸歸若係
刁徒故意凌辱官員則風不可長臣職司言路訪
聞旣確不敢默而不言謹具摺陳臣宜何如謹奏

奏伏乞

皇上睿鑒施行謹

奏

朕已聞之業差原辦此工之大臣前往察究矣

雍正九年八月二十九日巡察直隸等處農務御

史臣舒喜謹

奏爲敬陳管見仰祈

睿鑒事竊直省去年被水州縣荷蒙

皇上鴻恩發帑賑濟民慶安全而又以秋成淺薄糧價

命直省州縣概行減價糶賣倉穀以裕民食准部議凡
州縣存貯倉穀五六萬石者糶三存七若一萬石
以內者糶五留五至存穀最少不敷糶賣之處於
隣近穀多州縣通融酌撥補賣所得價值交貯司
庫俟辛亥年秋收之後領回原價買補等因在案
不料今年五六兩月雨水缺少穀價昂長六月二
十以後始得甘霖時沛早種之穀似可無憂而晚
植之穀不無稍嫌其遲恐將來穀價未必能卽時
平定若秋成後各州縣謹遵部議不論價值貴賤
務必買足方已則穀價又必分外加長矣據臣愚

見除今年秋收豐厚穀價平減之州縣聽其自行
買補再存貯倉穀僅四五千石之州縣又經糶五
之後爲數太少似應亦就今秋買補外至向來積
貯五六萬石一二萬石之州縣所賣不過三分現
存二三萬石一萬餘石在倉不爲無備倘可暫停
採買俟壬子年秋書大有之後買補還倉或今年
先買一半明歲再買一半補足原額則穀價不致
甚貴而貧民更沐

皇仁於無旣矣臣管見如斯是否可行伏乞

聖裁謹

聖奏

言之該督酌量而行

同日又

奏爲恭請移駐兼轄之員以資彈壓以重地方事竊

臣巡至宣化府屬之沙城地方見地當孔道城連
三座中分界限東屬懷來縣管轄西屬保安州管
轄居民商賈稠密繁雜其中非但無大員彈壓卽
一巡檢把總亦未曾有倘稽察無人或宵小之輩
見地方殷實潛行偷竊懷來保安相隔五六十里
均屬鞭長莫及難以照應臣查得沙城西去三十

里有新保安城內設叅將一員守備千把等弁又
設同知一員兼轄沙城事理夫當年設官分職自
必就地方之形勢人民之衆寡以定而時地前後
不同戶口日增蕃庶就今日之沙城而言則遠勝
於保安多矣乃保安則文武多員而沙城則微末
全無臣思保安同知既可駐劄保安兼管沙城亦
皇上可駐劄沙城兼理保安況查沙城中堡舊有察院
廢址今雖改爲義學畧一整頓可爲衙署懇請
皇上敕下督臣卽將保安同知移駐沙城以資彈壓則
巡緝有人而盜竊皆知儆惕此不必設官添役糜

費公帑一轉移間似於地方民事大有裨益矣臣
爲慎重地方起見謹具摺陳懇請
奏請伏乞 聖鑒施行謹

皇上睿鑒施行謹

奏

此事亦言之於督臣唐執玉

雍正九年九月二十六日巡察直隸等處農務御

史臣舒喜謹

奏爲恭報嘉禾獻瑞闔邑歡慶仰祈

睿鑒事竊臣於九月十八日接得永平府昌黎縣詳稱

邑內四境秋禾俱實有九分十分收成有農民王
廷佐等詞稱刈穫高粱得一莖四穗及五穗甚有
至六穗者佐年六十五歲實平生之所未見此皆
萬歲愛民之所感召不勝欣喜呈驗爲此謹加收貯在
縣等情臣於本月二十一日到昌黎縣知縣劉玉
林將四穗高粱四株五穗者二株六穗者二株呈
驗臣恐此係常有之事因召鄉民農官等至署詢
問俱云從未經見臣自昌黎起程歷巡樂亭灤州
等處一路細詢鄉民耆老皆云非特目不曾見抑
且耳未曾聞等語欽惟我

皇上重農務本敬

天勤民今者嘉禾獻瑞於昌黎闔邑欣傳爲上瑞臣旣經

目睹且訪問再三異口同聲咸稱罕見臣不敢壅

於上

聞謹據實具

奏再各府州縣申報秋成分數因臣行蹤無定一時

難以取齊容臣回京另摺陳

奏合併聲明伏乞

皇上睿鑒謹

奏

據奏昌邑嘉禾知道了爾於回京時攜帶數株呈覽

雍正十年五月二十七日巡察直隸等處農務侍

侍郎臣舒喜謹

聖奏爲請

旨事竊臣奉

命巡農歷經三次向遵

諭旨於五月間出京巡察農務九月內回京復未

命今蒙

皇上天恩特陞禮部侍郎之職伏思巡農雖屬要務而

冒分部案尤爲重大臣冒昧請

旨伏乞 聖訓學辦部務勉竭犬馬之勞報

皇上另差巡農之員計明之鄉為思巡農之員要經而

命臣回京恭聆

聖訓學辦部務勉竭犬馬之勞報

天恩於罔極謹具摺請

旨伏候

聖裁謹請

奏順

覽奏知道了巡農事畢然後回京赴部可也

雍正十年六月十七日巡察直隸等處農務侍郎

臣舒喜謹

奏爲秋禾豐茂情形據實陳奏仰祈

睿鑒事竊臣奉

命巡農自五月間至今巡行保定正定河間等處地方
甘霖時沛各處均霑穀子高粱俱已發穗吐華其
皇上餘晚種雜糧等項亦皆蔚秀可觀又據各府州縣
間分將得雨日期絡繹申報俱稱霑足臣巡行數載未
有如今歲秋禾之豐茂也徧野農民靡不歡呼預
慶咸稱如此風雨常調今歲豐收可保伏思我
皇上愛養黎元時以農務爲心故敢冒昧先將此時目

擊豐茂情形與百姓歡慶景象據實陳

奏容臣次第巡遍再俟收割之候另將收成分數具

摺奏

聞伏乞

皇上睿鑒謹奏

奏

以手加額覽焉問至今幾許矣五室既闕華氣壯式

智鑒事錄

硃批葛森奏摺

雍正五年六月初七日江安糧道臣葛森謹

奏竊臣至愚極陋荷蒙

皇上天恩逾格超擢

簡任糧道感沐

洪仁夙夜冰兢惟有矢忠矢慎勉竭駑駘仰報

聖恩於萬一臣自本年四月初八日到任迄今方及兩

月其一切事宜尚未深知容臣查確再爲另

奏茲交代錢糧冊內查得前任糧道馬世炳有接受

前道王希舜動給未還并本任內透支墊給預借

各項共銀五萬七千九百六十餘兩米二百一十三石零雖有借支領結尚可追抵之項竝非盡屬無着但現今交盤倉庫已非實在交收至現在交收存庫銀四十四萬八千四百餘兩馬世炘未經解部將來起解每千應有飯銀十兩添平銀三十二三兩約共需銀一萬九千餘兩臣向馬世炘催交據稱前任竝無交下之語馬世炘當日亦未詳明着落從前經收之員以致懸項但飯銀添平係解部必需之項臣何能代爲賠墊只得一并揭報總督巡撫現候批示再查糧道倉內有捐監還漕

恩料米二萬八千五百八石零經督撫題明奉

旨准發蘇州松江太倉三府州屬減價平糶臣現在按
數給發所有馬世烜任內那移未清款項臣謹另

望恩單臚列恭呈伏乞八月十四日龍

御覽伏乞

皇上睿鑒謹

奏

理應代催完項者毋得苛刻若與例不符徇情欺隱之
款豈可代人認過馬世烜猶可王希舜貪饕已甚萬難
寬宥然馬世烜聰明人也交代之際王希舜若不利

動之亦焉肯甘爲徇隱百凡總以秉公處之

雍正五年八月十六日江安糧道臣葛森謹

奏爲恭繳

硃批叩謝

天恩事竊臣至微至賤荷蒙

皇上格外洪仁超用糧道感戴

聖恩夙夜惶悚茲於八月十四日跪接

硃批諭旨當卽望

闕叩頭謝

恩捧讀之下仰見

聖諭明切周詳無微不照臣何人斯得蒙

皇上硃批教訓感激難名銜結無既惟有凜遵

諭旨不敢苛刻亦不敢徇隱矢公矢慎實心奉行以仰

答

高厚於萬一耳爲此繕摺叩謝

天恩所有奉到

硃批諭旨理合一併恭繳伏祈

皇上睿鑒謹

奏

朕觀旗籍人員大都不可以臨財每利令智昏身家性

命皆有所罔顧不知無恥習氣何至於此汝於操守二字極宜加勉保全滿洲顏面爲要如博濟等非前車之戒乎從來貪夫徇利未有不害及其身者當彼營求之際孳孳不倦亦豈知正所以賈禍也言之殊堪憫惻可惜父母生育之身可惜君上成全之德可惜半世功名千百年人物區區銅臭寧足相抵且又弗克受享則亦何所爲而樂此不爲疲耶能於此一節把持得定其餘保汝皆堪從容造就勉之勉之

雍正五年九月二十八日江安糧道臣葛森謹

奏爲恭繳

硃批叩謝

天恩事竊臣於本年九月二十五日跪接

硃批諭旨當卽望

闕叩頭謝

恩敬讀之下感蒙

聖訓周詳懇切操守二字敬伏以答

垂誠再三臣自思何等之人得蒙

皇上恩旨頻頒

硃批屢降讀至可惜父母生育之身可惜

君上成全之德可惜半世功名千百年人物之

諭旨卽天地亦未有如此生成父母亦未有如此顧復
聖意宏深期在遠大臣感激難名銜結無旣滿洲顏面
皇上應當保全臣雖愚如草木亦當省悟伏思才幹原
由生成操守乃可自主臣感沐

皇上教訓惟有潔已勵操竭力遵行以仰答

聖恩於萬一耳謹將奉到

硃批諭旨繕摺恭繳伏祈

睿鑒謹

奏

言之易行之難凡事固由勉強而後臻於自然然勉於

一時易勉於久遠難必須時時省察事事體驗見理明
透立志剛堅方不被物欲所囿以致虧節失度提起一
腔血性鼓動丈夫氣槩漸次自有得力處也

聖旨雍正五年十一月二十二日江安糧道臣葛森謹
奏爲恭繳

硃批叩謝朕即立志剛堅方不被物欲所囿以致虧節失度提起一
腔血性鼓動丈夫氣槩漸次自有得力處也
天恩事臣於本年十月十五日跪接部部省察事事
硃批諭旨當卽望具奏
關叩頭謝
恩敬誦大誅

聖訓廣大精詳無所不該伏思行不逮言卽爲浮辭終
不如始卽爲改操伏讀

恩訓勉臣以言之易行之難勉於一時易勉於久遠難
聖意宏深造就之心期在遠大及讀至時時省察事事
體驗見理明透立志剛堅方不被物欲所囿以致虧
節失度

聖言涵蓋并包萬有矣更讀至提起心腔血性鼓動
夫氣槩漸次自有得力處

教誨之中寓有誘掖周詳懇至反覆叮嚀天地生成父
母教育未有如此臣何人斯得蒙

恩訓屢降感激無地夙夜凜遵臣本屬至愚何能到自
然地位惟期言行相顧不使操守二字徒託空言
始終不渝勉力奉行以仰報

聖主教訓隆恩於萬一臣謹繕摺
奏謝所有奉到

硃批理合恭繳謹

奏

仰遵前諭加勉可也至於言行相符與否斷難逃朕耳

目恩恭

雍正六年正月二十四日江安糧道臣葛森謹

奏爲叩謝

天恩恭繳

硃批事雍正六年正月二十日臣跪接

硃批諭旨竝

欽賜福字當卽恭設香案望

闕叩頭謝

恩祇領訖伏念臣至微極賤毫無報效荷蒙

皇上不次擢用已屬逾分又蒙

告誡屢頒

宸翰寵錫詎何等之人叨受

格外洪恩深重至此欣忭惶悚一時交集惟有凜遵
訓旨竭盡駘駘朝夕警惕勉副
皇上日月明鑒仰答

高厚於萬一耳爲此繕摺叩謝
天恩所有奉到
硃批合併恭繳謹

奏

寵錫之加固在朕躬能否永遠承受則在於爾也諸凡
慎之

雍正六年十一月二十八日山西按察使臣葛森

奏爲恭謝

天恩叩請
陛見敬聆

聖訓事竊臣蒙

皇上恩簡江安糧道自雍正五年四月內到任以來歷
今一載有餘涓埃未報捫心自問悚惶無措茲又

聖主隆恩將臣陞授山西按察使聞

命自天慚懼無地伏念臬司一官爲通省刑名總滙務

俾盜息民安刑清政肅始能無負

皇上任使至意若不仰懇

聖恩賜以

訓旨臣雖殫竭駑駘總不能免於貽誤伏乞

皇上垂念臣知識短淺外任未久俯容將經手錢糧交

代清楚之後星馳赴

闕叩請

聖訓庶仰體祇遵不特臣得免隕越而晉省官民亦共

沐

皇恩於無既矣理合繕摺

皇奏請仰祈

聖鑒爲此謹

奏

允爾所請到京聆朕訓旨然後再赴新任

雍正七年五月初十日山西按察使臣葛森謹

奏爲欽奉

上諭事本年五月初九日臣奉總督范時繹牌行准部

文內開奉

旨西安軍需錢糧着倉場侍郎劉于義山西按察使葛森前往清查核算欽此欽遵當卽恭設香案望

闕叩頭謝

恩訖伏念臣一介卑微毫無知識荷蒙

皇上天恩屢次超擢有加無已每逢

命下輒自慚汗無措今復降

恩旨令臣協同倉場侍郎劉于義前往清核西安軍需

錢糧拜

命之日惶悚益深惟有敬凜遵奉竭盡駑駘以仰副

皇上任使至意但臣自應卽刻赴

闕恭請

聖訓因有經手糧道任內倉庫錢糧除庫項業已交與

望臨署道張暲樞查收外所有存倉稻穀五萬九千一
百餘石尚未盤量但此項穀石貯倉將及兩載不
無氣頭廩底未免略有折耗若俟署道逐一盤量
必致濡滯時日倉穀關係重大臣何敢忽略現在
呈請督撫委員公同監掣如有折耗照數按補臣
又將糧道任內所得收放羨餘銀兩留存道庫以
備買補折耗一俟督撫批准臣卽兼程赴

闕請

訓爲此繕摺奏

聞謹

奏
今差汝赴陝查核軍需錢糧斯乃大案也總以秉公得
當爲要倘或徇庇寬縱以及瞻顧因循抑或深刻搜求
至於拖累無辜均屬不可汝身之見重見棄於朕卽在
此舉莫負一番特恩委任莫誤半生事業功名慎爲之
毋忽

雍正七年十二月十五日辦理噶斯軍需甘肅布

政使臣葛森吏部郎中臣龔滿岱刑部郎中臣福

寧謹

奏爲請

硃批諭旨

十

葛森

旨事竊臣等奉

旨辦理噶斯軍需事務俱關動用錢糧干係甚重須以

印信爲憑伏懇

皇上可否

准給關防一顆將來文移往來始有憑據俟事竣之後

恭繳禮部再臣等查得自肅州至京程途稍遠軍

需緊要若雇兼程脚騾往返甚需時日難免遲滯

臣等仰祈

聖恩嗣後奏摺可否

准於驛馬飛齎則事無遲誤而於軍需亦屬有益矣爲

此繕摺請五民正日味至三民十五日並照
旨伏乞寧夏州知西寧共口依蒙古其薊京各該武臣
皇上睿鑒施行謹實陳其難需具列聖訓明在
皇奏附錄朝臣詳示籍閱聖訓等語又蒙
已有旨矣張廷棟亦曾奏過汝等前此請將騾頭更換
西路大兵馬匹移爲噶斯軍需之用何荒唐至於此極
有如是輕重倒置之理乎另有旨諭部

雍正八年三月十七日辦理噶斯軍需甘肅布政
使臣葛森西安布政使臣張廷棟吏部郎中臣鼐
奏滿岱刑部郎中臣福寧謹

奏爲奏

聞事竊噶斯軍需臣等一切遵照部文敬謹辦理去歲因天寒草枯之際新買之馬恐急切不能臚壯冒

昧

奏請欲買騾頭易換大兵馱載馬匹又欲暫撥營馬

蒙

皇上訓誨諄切指示詳明臣等無任惶恐驚懼又蒙

皇上將出京之兵寬期月餘其應需馬匹臣等隨卽在

於寧夏洮岷西寧井口外蒙古扎薩克各地方分

頭採買自正月二十五日起至三月十五日止照

依時價自五六兩至十一二兩不等陸續買獲正
餘馬共一千一百三十匹俱已收槽餵養臣等現
在親身不時督察加意飼餵而天氣融和計京兵
到寧之時馬匹自可無誤至臣等冒昧陳
奏蒙

皇上不卽處分

格外寬宥惟有勉竭駑駘勤慎辦理以圖仰報

不勤慎試看

高厚於萬一謹此繕摺奏

聞謹

奏

將緊要處應用馬匹而欲撥換於閒處備用汝等昧於輕重之識見可知將他人辦就之事而欲移爲己益汝等徇於偏私之念慮可見一生爲人居心被朕輕鄙而毫不愧悔但以未加處分爲幸汝等寡廉鮮恥之胸懷更可笑矣汝等雖猶靦顏強爲摺奏朕批諭之際殊覺筆毫澁滯也

雍正九年六月初四日雲南布政使臣葛森謹

奏爲恭謝

天恩事雍正九年五月二十九日奉雲南巡撫牌准刑部咨爲羣盜劫掠事案內因臣署江蘇布政使有

盜犯沈聖文改名沈章曾爲司差不能查出部議
降二級調用奉

旨葛森著降二級從寬留任欽此臣隨卽恭設香案望
闕叩頭謝

恩訖伏念臣至愚極陋荷蒙

皇上天恩歷擢至司道於地方姦匪理宜嚴加稽察前
因署江藩任內不能稽查周密致爲衙役欺蒙疎
忽之罪實難辭責乃蒙

皇上高厚洪慈矜憐愚昧從寬留任跪讀

綸音感愧無地臣本屬庸闇今調補雲南布政使將近

果能心悅誠服愧已往之私衷慕當前之景行效法鄂
爾泰之志以立志則將來亦必為鄂爾泰一流人物矣
若弗克內企其心而欲外企其人無是理也雖然此亦
看爾祖識抑且端固本心今蒙
聖恩寬大惟有益加精勤不敢稍有疎怠竭力致身務
事期夙夜補過仰圖報效

洪恩於萬一耳所有感激微忱理合具摺

奏謝伏乞

睿鑒謹

奏

覽

益

奏爲奏

聞事竊查滇省地方今歲自春徂夏雨暘時若據各府屬所報豆麥收成實有十二分十分八九分不等通省高低田地徧行栽插竝蚤蕎雜糧無不茂盛近來闔省米糧價值較之往年平減漢夷歡騰軍民忭舞此皆我

皇上敬

天勤民感召所致也理合具摺奏

聞仰慰

聖懷謹

奏

覽

路途遙遠既無緊要應奏事件何必徒勞往返爲塞責之舉若借此欲以挾制上司恐嚇屬員則尤屬不可誌之汝庸才也惟務實行做好官是乃良圖若勉強舞才具弄聰明非長策矣勉力效法鄂爾泰居心可也

雍正九年八月十九日雲南布政使臣葛森謹

奏爲奏

聞事竊查烏蒙新改之昭通府自兵燹之後田地荒蕪

聖主米價昂貴凡安插之殘黎招來之農賈俱給田地
各與籽種并於大關壩等處隙地委員採買蕎種
督率耕種以望秋收又撥米糧減價平糶接濟民
食今於七月內據昭通東川二府稟稱昭通府之
稻田壩八仙海等處并魯甸各寨以及東川巧家
等處去歲夷人種過蕎地今年竝未耕種忽從舊
根發生新蕎俱甚茂盛與本年新種者無異漢夷
歡騰米價大減又六月二十八日八仙海稻田壩
等處禾苗忽生赤虫蠶食稻葉忽有飛來烏鴉將
赤虫食盡稻苗竝無傷損等語臣思蕎自天生虫

爲鳥食實見所未見聞所未聞此皆我自天書史

皇上欽若之誠感召

天恩所致而臣懼忤之下愈深儆惕悚惶再滇省地方今

歲自春徂夏雨暘時若至六月間數次大雨山水

暴發以致雲南曲靖二府之昆明宜良尋甸州馬

龍州陸涼州等處所有低窪田地略被水淹間有

倒塌牆房當卽委員查勘以闔縣而論俱不及百

分之一但被水本戶偶值歉收未免缺望督臣鄂

爾泰撫臣張允隨仰體

聖主軫念民瘼之至意經委迤東道遲維璽前往將倒

塌房屋牆垣之家逐一酌賞并將被淹田地查明
數目按戶賑恤現俱得所其餘各處高下田地俱
極茂盛近來省城與各處米價較之往年甚是平
減爲此繕摺奏

聞謹

奏

覽

汝等司道不過奉行承辦非有專主之責似此督撫例
應奏聞事件遙遙萬里差人齎摺前來不知汝具何心
思也可謂愚昧率妄之至

思山 雍正十年六月十六日雲南布政使臣葛森謹

奏爲奏

聞事雍正十年六月初三初四等日據普洱府分防思

茅通判朱繡暨元江府知府祝宏將普思一帶苦

奏 葱聚衆不法情形各通報到臣臣查普洱府分防

思茅所屬蠻壩河蝙蝠洞訛傳緬僧爲神仙思茅

苦葱羣相拜賀遂有土把總刀興國等暗行勾結

謀爲悖叛攻圍思茅城池復鼓脅夷民劫掠村寨

燒燬塘房蔓至普洱接界元江地方驚擾新平威

遠鎮沅邊界并阻截道路致攸樂爲思普所隔至

睿鑒今信息不通經署督臣高其倬撫臣張允隨聞報
聞外當卽會商飛調官兵於六月初四日卽委護普洱
鎮副將李宗膺遊擊王先韓雯鵬等帶領官兵由
皇上元江路進剿又調臨元鎮總兵董芳爲總統帶
領官兵於六月初九日星赴元江援應前後共調
迤東官兵三千二百名土兵四百名俱由元江
路聽總兵董芳調遣進剿兼顧新平當又飛咨雲
南提臣蔡成貴酌派迤西兵數百名兼程先往繼
又飛咨提臣再撥迤西官兵二千名俱由景東一
路直入普洱攻剿兼顧鎮沅威遠并援思茅攸樂

在案現今大兵雲集東西兩路攻勦料此小醜不

難剋日撲滅惟是臣叨蒙
杜患未形豈汝所能殊屬大言不慚二十各員由景東一

虛浮不實之語

聖恩畀以藩司重任不能杜患於未形以致兇頑悖逆
負罪深重悚惕靡寧至軍需一切事宜查照進勦
烏東之例竭力辦理不敢稍有遲誤其運糧等項

仰體
皇上愛惜黎元至意俱給以脚價竝採買騾馬分運軍

糧以紓民力理合繕摺奏
聞伏乞
睿鑒謹

奏
聞伏乞
睿鑒謹

奏

覽

雍正六年六月十八日雲南開化總兵官夏南天
詳謹奏為奏請將雲南開化總兵官夏南天
聞事竊臣欽奉 聖諭 雲南開化總兵官夏南天
上諭統領雲南省官兵三千餘員名進藏雍正六年三
月初八日自雲省起程業經 臣等 奏請 旨 欽此
題報在案四月初六日由劍川州出口十九日於中
甸起程俱經咨呈雲貴督臣鄂爾泰 奏請 旨 欽此
奏報今於五月二十九日 臣率領官兵先至察木多

在案現今大兵雲集東西兩路攻剿料此小醜不

難剋日撲滅惟是臣叨蒙

聖恩以藩司重任不能杜患於未形以致兇頑悖逆

巢罪深重悚惕靡寧至軍需一切事宜查照運餉

烏東之例竭力辦理不敢稍有遲誤其運糧等項

仰體

皇上愛惜黎元至意俱將以脚價並採買馬分運軍

糧以紓民力理合繕摺奏

伏乞

睿鑒

奏

硃批南天祥奏摺

雍正六年六月十八日雲南開化總兵官臣南天

祥謹

奏爲奏

聞事竊臣欽奉

上諭統領雲南省官兵三千餘員名進藏雍正六年三

月初八日自雲省起程業經

題報在案四月初六日由劍川州出口十九日於中

甸起程俱經咨呈雲貴督臣鄂爾泰

奏報今於五月二十九日臣率領官兵先至察木多

硃批諭旨

南天祥

奏等候川師初七日接日且率貽官兵共次至察木
欽差駐藏副都統馬臘等告急咨報臣隨差員馳迎散
秩大臣鑾儀使臣周瑛會商速進六月十三日周
瑛到察臣正在揀發官兵十五日續接馬臘等咨
報內開頗拉奈統領阿里後藏各兵於本年五月
間率二十六日進藏頗拉奈甚恭順

聖主聽信達賴喇嘛絲毫不擾番民二十八日將殺害
康金鼐之阿爾布巴隆布奈扎納奈悉行拏獲現
在拘守俟將頗拉奈抵藏各情具奏具官且南天
和奏之日另爲備咨等因仰見

皇上天威遠播番夷綏靖左都御史趙查郎阿鑾儀使

皇土臣周瑛到藏後自必仰遵實錄附編條例

睿謨安頓料理臣遵

諭旨准鑾儀使臣周瑛議留臣分領滇省官兵一千餘

天武員名駐察遙爲犄角以壯聲援除另疏

題報外所有頗拉奈擒獲阿爾布巴隆布奈扎納奈
情由理合繕摺奏

聞謹奏五八平十月二十五日雲南總督臣官至南

奏

覽奏知道了駐兵外地極力約束官兵申明紀律令遠

硃批諭旨

南天祥

近番夷畏威懷德方爲不負朕之委任切勿因見小利
有失大體致貽笑於人也勉之

雍正八年七月二十五日雲南鶴麗總兵官臣南

天祥謹

奏爲遠隔

天庭日久微臣孺慕時殷恭請

陞見以抒蟻悃以聆

聖訓事竊臣一介庸材毫無知識荷蒙

皇上格外殊恩於雍正三年由廣羅協副將得覲

天顏旋蒙擢授開化總兵才疎任大蚊負難勝當擬恭

睿鑒請示

陞見冀得跪聆

聖訓因其時甫離

闕廷且值清理交界未敢遽請嗣於雍正六年領兵進

藏仰仗

天威睿算藏域平寧旋師之日本擬奏請復覲

天顏乃荷

聖恩調補鶴麗鎮總兵官是大兵雖撤而邊備宜嚴臣

屬維西等處俱係新設營制正需料理因又不敢

皇上冒昧籲請茲我

硃批諭旨

三

南天祥

皇上德威遐播萬國咸寧兼督臣鄂爾泰體

國公忠漢夷傾心向化詎計歸五需林野因又不煩
陛辭至今業已六載依戀之私刻難自己仰祈
皇上俯鑒愚忱

恩允入覲蘇越平寧欽此日本進奏請更驥

見俾得面請

聖訓庶有遵循以重封疆而螻蟻不困亦可少抒萬

聖情矣爲此繕摺奏

聞伏乞

睿鑒施行謹

奏營官代餘餘申請前來弘再四籌畫查得
不必入見但能勉盡職守勝如跋涉萬里程途也

雍正十年九月初九日江南提督臣南天祥謹

奏爲奏

聞事竊臣才識淺陋叨荷

聖恩簡畀江南提督任大責重受事以來夙夜兢惕惟

期勉竭駑駘以圖報效涓埃茲因蘇松一帶沿海

聖心地方於雍正十年七月十六十七兩日颶風大作

海潮漲溢傍海居民以及汛防兵丁未免被水遭

溺臣於本年八月到任後星卽差員逐細覆查與

硃批諭旨

四

南天祥

各該營汛官弁稟報相符其被水窮黎業經署督
臣尹繼善署撫臣喬世臣仰體

聖心亟爲賑恤今現在委員分頭散給錢米其受傷兵
丁家口亦量加給發一次所有賑恤事宜應聽署
督撫臣條析具奏至被水各處所城墻城樓墩臺
營房坍塌缺甚衆軍火甲械馬匹戰艦等項亦多有
漂失臣俱經咨商署督撫臣作速籌酌修整製補
而各該汛防營房衝沒兵丁露處者尤爲緊切且
間有溺故兵丁家口無所依倚者益堪憫惻據各
營官弁紛紛申請前來臣再四籌畫查得臣標有

皇恩賞借營運生息銀一萬八千兩經前提臣議交典
商以一分生息計自雍正九年五月起至雍正十
年六月止共生息銀二千七百八十六兩零未經
動支竊思此項息銀原係

皇上浩蕩洪仁賞給兵丁吉凶等事之用非可於別項
通移但事有緩急或可權宜當此天氣漸寒不惟
溺故兵丁之家口室廬蕩然待援甚迫卽凡沿海
汛兵棲止無所者若待營房葢就勢必日久病生
抑且巡防疎懈所關匪細臣愚冒昧擬於前項息
銀內權行動那分別酌給臣標被水營分其本兵

及家口俱無傷而房屋衝毀者每名銀五錢其本
兵雖存而家口淹沒房屋漂失者每名銀一兩俱
令搭蓋茅棚以免露處以重汛防再本兵溺故家
口僅存房屋復經漂毀者每名銀二兩使皆得所
棲息并以資其生計以上三項共應動支息銀約
皇上計九百餘兩臣一面咨明署督撫臣一面檄行各
該營汛官弁具領按給造冊呈送存案事關通那
理合陳上共上息銀五千一百八十六兩零朱璽
奏仰懇 皇上息情自棄五分半五分半至銀五十
天恩俯允賞給則營汛兵丁叨沐雨露甘霖交典

皇仁無不淪肌浹髓矣再有請者崇明狼山兩鎮標營
各有營運生息銀兩如臣標那給兵丁銀兩得蒙
俞允則兩鎮沿江沿海被水兵丁亦應一例分別邀

恩臣謹具摺奏

聞伏乞

皇上睿鑒施行謹

奏

此項銀兩原備賞賚兵丁之用今酌緩濟急通融動那
在汝與督臣商酌爲之耳

雍正十一年正月二十日江南提督臣南天祥謹

硃批諭旨

六

南天祥

奏爲陳奏事竊照軍中利器鳥鎗爲先則所需火藥
最關緊要按江省各標協營鳥鎗現動公糧改造
將次整齊畫一而火藥一項查下江各營除逐年
奉製備以供操演外其間有稍爲存貯者有全無存
皇上剩者更如崇明鎮標沿海各營因上年七月間海
閩汛潮泛溢將舊日所存悉行衝失是江省營伍事宜
莫有急於製備火藥者矣仰惟
聖明睿慮周詳無微不至先經督撫提鎮諸臣於遵
旨議奏事案內會同酌議除上江各營舊有存貯火藥
皇上未經撥動無庸添造外擬以督標中左三營及江

寧城守營蘇撫標左右二營及蘇州城守營京口
水師標左右二營及鎮江營爲省會海疆重地應
備火藥五年其漕標河標臣標與崇明狼山兩鎮
標暨各協營凡屬沿江沿海者俱爲扼要之區然
地多潮濕恐易黷應備火藥三年再內地偏僻
處所如溧陽平望常州中左右三軍及孟河靖江
泰州泰興等營止擬量加添造以上各項火藥除
存貯數目抵補外實應添造火藥一十四萬九千
四百七十七斤零俱擬動支司庫存公銀兩採辦
製備業於雍正九年二月內分析條款咨覆內部

在案尚未奉文准行臣覆加查核所見相符但上年被潮各營據報漂失存貯火藥共計三萬二千六百四十餘斤更須亟行補造以足前項擬定之額至每年操演所需或係捐備或取辦於公款仍照舊例遵行不與儲備火藥一體動項製造也惟是儲備之數有五年三年不等則需用硝磺甚多一時不能齊辦臣請於沿江沿海各營先行製備其餘亦酌量次第竣事庶軍實無不克裕營伍大有裨益矣臣以遵

旨議奏事件不容久稽謹冒昧

營文翰附知守營京口

奏請倘蒙

俞允伏乞

皇上敕下署督臣魏廷珍蘇撫臣喬世臣速行會同酌

核動項採辦設局興造照數存貯其委員經管造

冊報部以及將每年操演火藥與儲備火藥遞行

出陳易新等事宜一併條析辦理以免日久滋弊

爲此繕摺奏

聞仰祈

睿鑒施行謹

奏

硃批諭旨

八

南天祥

火藥最關緊要應照此議辦理所奏是
聞松江一帶被災百姓因該管各官撫恤不周有嗷嗷
待哺者何以不行奏聞汝意若以爲除營伍之外地方
事務於已毫無干涉則大負朕之委任矣

雍正十一年三月初九日江南提督臣南天祥謹
奏爲奏明事竊臣於本年正月間爲江省製備火藥

一事恭摺具奏

皇奏欽奉

硃批諭旨臣跪讀之下惶悚戰栗感激涕零伏念事關

民瘼

聞是臣昏昧無識罪實難逭乃邀

聖慈寬宥不加譴責

特示訓誡

聖恩實同覆載臣心倍凜冰淵茲有不敢不據實陳明
者上年江南濱海地方偶被風潮又華亭等縣田
禾受傷秋成歉薄俱經督撫臣陸續

題報節奉

諭旨蠲租散賑大沛

恩膏務使窮黎各得資生不致或有失所
皇仁浩蕩誠爲千古難逢凡屬臣工敢不實力奉行臣

殊批諭旨

九

南天祥

皇二 從前訪聞查賑乏食貧民頗有遺漏之處當卽將
恩膏閭閻困苦情形咨明督撫臣速爲推廣

皇仁續又懇切寄信通知繼接蘇撫臣喬世臣回書云
賑已無遺漏臣思撫臣仰體

皇上好生之德念切痼瘼自必會同署督臣逐戶清查
確實但使辦理得宜臣愚不敢攙越迨臣查閱沿
聖恩海一帶乃見賑恤未徧誠如
聖諭有嗷嗷待哺之民幸蒙

皇上聖明無微不照復

命加賑四十日竝頒實賑

特旨嚴飭竭力稽查

湛恩汪濊載道歡呼臣

現在細加訪察如此番補賑有

司仍不實力奉行臣當星卽奏

聞斷不敢稍有容隱以致上負

天恩自罹重罪也

臣恭繹

殊諭深切悔懼謹冒昧繕摺

奏明伏乞

皇上睿鑒矜原謹

奏

覽奏內叨任封疆之語朕實代汝愧之

砂殊
批批
諭諭
旨旨

十

南天祥

賀奏同日又

奏爲陳奏事竊照江省軍務無處不關緊要而沿海
皇上一帶尤須加謹嚴密臣自蒞任以來檢閱卷宗有
奏每年以臣標中左右前後五營官兵輪流貼防上
海吳淞一團漕涇黃浦等汛一案相沿已久歷任
提臣徒具空文按期報部臣於本年正月二十九
日起程巡閱沿海各營官兵卽以相度形勢機宜
歷觀沿海營制如金山柘林青村南匯川沙上海
黃浦吳淞劉河福山等汛星羅碁布固已至嚴且
密然從前之貼防上海吳淞等五汛者本非無因

查康熙八年間副都統查哈泰等於遵

旨會閱沿海等事案內

題准以

臣

標左右前後四營遊擊輪流帶領官兵五

百三員名貼防上海一汛守備輪流帶領官兵五

百三員名貼防吳淞一汛此因當時營制未周原

設官兵不敷防範耳再查康熙十五年經前任提

臣楊捷於浙境寇觫狂逞等事案內

題請一團漕涇二處亦以

臣

標四營遊擊輪流各帶

領官兵五百三員名前赴貼防又令中營守備帶

兵三百名赴黃浦江貼防此因當時海匪竊發江

省不得不預爲防範皆非永遠定制是以所議貼
防各汛竝未建有官署營房也歷今數十年來法
制周備海不揚波臣於親歷查閱之次復加籌畫
除上海一汛業經前督臣常鼎於康熙五十七年
間官兵不敷訓練再查康熙五十七年
題准將臣標右營官兵移駐彈壓至吳淞一汛外控
大洋最爲險要海口雖於康熙五十三年間添兵
一百餘名設繒船四隻將備輪班出洋巡哨并於
海口設立礮臺與川沙營礮臺對峙俱撥兵嚴防
制度可謂詳備矣然通計該營額設兵丁九百二

廿八名除隨丁公糧及分派墩汛之外每年春秋
二哨該營將備輪班帶領官兵一百二十五員名
出洋巡查則存城防守之兵似覺稍單查吳淞口
內卽與黃浦水師營接壤臣請嗣後當該將備哨
巡之時就近令黃浦營都司帶兵一百名坐駕沙
船前赴該汛協力巡防俟該將備哨巡事竣仍行
奏撤回原汛實爲有益再黃浦營改設都司仍駐上
海縣城上海旣移右營重兵彈壓則水陸汛巡在
在嚴密而黃浦一營官兵儘敷調度防禦矣又
團係南匯營專汛漕涇乃柘林營專汛二處濱海

之區俱係沙塗潮長則隱潮退卽現從來海艘不能停泊可無外虞查南漕營於雍正五年經前提

臣魏經國

奏請添兵一百名已敷防範惟柘林營額兵止有士

百八十一名未經酌添臣閱漕涇市汛商賈湊集

匪類易滋派守之兵甚少請於臣標中左前後四

營內抽兵六十名撥入該營專防而向時漕涇貼

防與吳淞黃浦一團等汛貼防之處本無實事俱

請停其報部至沿海一帶地方臣仍不時飭令標

營將弁帶兵巡哨卽有策應不難立時調遣也事

聞請關沿海軍務理合據實陳

奏倘蒙

俞允臣當會同督撫臣另疏具

題請

旨再照通省各營旗幟甲械鎗礮籐牌等項蒙

皇恩賞給公糧修製隨經前署督臣尹繼善檄令舉行

皇上臣復屢檄飭遵自當次第辦理但公糧必須陸續

開入存留若逐漸動支未免先後需時似難整齊畫一

備旨臣擬將各項分析估計酌借司庫存公銀兩一齊

補造興修庶可按期告竣其酌借之項仍以公糧

硃批諭旨

十三

南天祥

照數扣還則一轉移間事覺易辦是否允協恭候

諭旨遵行爲此繕摺奏

聞伏乞 聖鑒謹

皇上睿鑒謹

皇奏賞餘公

俟高其倬回任後與之商酌妥確具奏以聞

雍正十一年四月二十二日江南提督臣南天祥

會允謹當會同督撫臣民

奏爲奏

聞請關部新軍綠野合紉實刺應不難立時調遣也事

旨事竊臣凜遵

訓諭於地方民情悉心體察所有蘇松等處沿江沿海

里土窮黎蒙

皇上洪仁疊沛復行加賑四十日毋許更有遺漏臣訪

聞各該有司俱經續查補賑飭食米來無或藉

九重雨露悉已優渥霑足矣但其間戶口浩繁且多室

廬漂失是以四散乞食者未能盡免幸蒙

聖恩興築海塘羣趨就役得遂資生莫非

膏澤之所被惟是老弱疲癯以及相隔路遠者不能悉

皇

殊批諭旨

十四

南天祥

皇仁互相感動自二月杪至四月初各就近地陸續捐
膏藥貲煮粥施賑卽如松江郡城男婦老幼就食者日
望恩有五六千人訪知蘇州郡城亦然近以施粥不繼
皇上復經地方官稍給錢文著令各歸本處雖已逐漸
小重出城猶未皆得其所目下二麥將登羣黎有賴然
被災之民未經種植者仍艱於食將來無力耕作
皇上必致拋荒田畝臣愚伏念一方偶被災傷卽厘
聖主宵旰殷憂蠲賑錢糧動以累百萬計

深恩厚澤已極無加顧蠲察田產藉外善舉亦已
止之施仁旣溥下之好義自興觀前此不賞而能勸使

加之鼓勵必更踴躍樂輸臣管窺鄙見仰祈
皇上天恩敕部定議凡江省上年被災處所無論紳民
聖人等有願捐銀米就近資給貧民使不廢農業者
恩奏照捐數之多寡分別賞予議敘卽爲數少者亦准
高給嘉獎字匾仍着督撫臣飭令有司稽查按給分
聖晰造報不得勉強抑勒俟秋成之日卽行停止如

此則窮黎蒙

福富室邀

榮東作無荒豐亨預朴皆出

皇上生成之賜矣臣更有請者上年江蘇被災各州縣

硃批諭旨

十五

南天祥

皇土衛所有應徵新舊錢糧緩至麥熟後開徵
皇恩已極浩蕩但查蘇松沿海一帶地本低窪產麥無
蘇富幾況當被災之後播種尤少今雖豐收僅能稍濟
農食若以措辦正供民力尚覺未紓仰懇

聖慈恩施格外俯賜緩至稻熟開徵則黎庶益感
高深定必輸將恐後事關民隱臣不揣冒昧據實
奏請是否有當伏候

聖裁再臣訪得三月十五日青浦縣饑民圍聚縣堂呼
籲求賑蓋緣縣令因公赴蘇散賑愆期所致非盡
遺漏使然又金山縣於三月二十三日有鄉民數

百人乘縣令公出赴

類此刁風豈可令其滋長正汝等武臣協助彈壓之責

龍亭叩求賑濟蓋以里書造報不公且因有司奉行查

若以為有司之事膜外視之以及授意兵弁恣憑使然

賑未免區別愚民無知大半妄冀邀

則尤為不肖之居心也地方文武不和斯等作用時或

恩亦非悉屬遺漏當經兩汛將弁各會同在城文員撫

有焉當深以為戒諭查拏旋即解散去訖理合一併陳明伏乞

皇上睿鑒施行謹

奏

覽

聖恩 雍正十一年七月十三日江南提督臣南天祥謹

奏為

硃批諭旨

十六

南天祥

聖主德嫔生成微臣情殷瞻戀恭請

陞見敬聆

睿訓以裨職守以慰下忱事竊臣邊鄙庸材至微極陋

奉遭逢

盛世得備戎行歷任滇南涓埃未報沐

恩寵而悚惶望

彤廷而踴躍伏念臣在廣羅協副將任內曾經督臣保

舉送部引

見於雍正三年二月內兩覲

天顏仰邀

隆眷旋蒙擢授開化鎮總兵官率師進藏事竣回日復
蒙

聖恩調補鶴麗鎮總兵官當經具摺恭請

陛見未蒙

俞允依戀之忱日以益切今荷

聖恩高厚簡畀江南提督視事將及一載雖夙夜兢兢

罔敢或懈然海疆重寄地廣務繁臣才識疎淺恐

難免於隕越是必仰藉

聖謨指示方略俾臣知所遵奉或可勉圖報效伏祈

皇上俯念微誠

硃批諭旨

七

南天祥

允臣陛見臣卽輕騎減從星馳赴

闕庶職守所寄凜遵

睿訓之精詳犬馬下忱用慰多年之瞻戀矣爲此繕摺

奏請伏乞

睿鑒施行謹

奏

赴闕之請候旨遵行今且不必

聖恩同日又

奏爲敬陳管見仰祈

睿鑒事竊臣秉質庸愚受其官率爾從事茲回日更

恩深重凡一切職分應行事宜無不勉竭駑力剔釐整

頓以期仰報

高厚於萬一茲有事關營伍利弊理合恭請伏其給土
聖訓永著爲例者臣不揣愚陋敬爲

皇上陳之

一江省買馬之宜畫一以杜偏累也伏查江省非
產馬之地向例照原定每匹十四兩與十三兩八
錢之價支領司扣朋銀每年一次核定數目請部
給單委員赴口買補計每匹價費與定額不相上
下法甚善也但惟將軍督撫等標及臣標沿海各

營爲然外蘇狼兩鎮標尚或另請購買其餘各協營竝無赴口買馬之例亦不附各標營帶買或就當地購覓或從行販轉買以致每匹價值多至二十一二兩與二十三兩不等所領司庫朋銀不敷所用不得不聽各兵自行捐補是同一江省買馬事不畫一遂有偏累之處而不肖營員且有通同行販於中取利者矣臣察知此弊除令附近臣標營分應補馬匹俱附臣標照數帶買外其餘上下江各協營向不赴口買馬者仰請

敕下將軍督撫鎮臣等無論親轄外轄俱准附帶朋銀

赴口買馬回日按數分給補額庶兵丁得免捐賠之累而將弁亦無滋弊之端於營伍實有裨益者也

一買補營馬之宜調劑以免私朋也竊照各省營馬每年照額報倒俱因地制宜定有成數或遇倒斃過多之年額領朋銀不敷買補兵丁互相私朋此雖出自各兵情願竝非抑勒然仰體不替爲令皇上惠恤戎行之至意所當亟爲調劑者也臣思武職養廉蒙 聖恩照品級之大小賞給隨糧使得馬步兼支各數其

聖恩數且自備例馬亦得照支草乾銀兩則凡隨丁馬
匹卽有倒斃自應捐貲買補而以額領司庫朋銀
皇上留充營伍買馬不敷之用方爲潔已愛兵之道雖
向來操守廉潔之員未必領支入已然不著爲令
其間容有藉口營私者矣臣查江南地土潮濕倒
馬尤多兵丁私朋向所不免爲之悉心調劑惟有
將隨糧倒馬額領朋銀通融辦理前據臣標中軍
叅將循例將臣莅任後應報隨糧倒馬補額朋銀
呈繳臣以率屬必先正己當卽明白曉諭飭發存
貯充公但未經請

敕下

禮

部

咨

蘇

蘇

蘇

蘇

蘇

蘇

蘇

蘇

旨不敢擅便檄行仰懇
聖明恩准嗣後無論大小武職隨糧倒馬俱令自行捐
資買補仍將每年額領司庫朋銀照數扣存各該
中軍衙門以補營伍買馬不敷之用庶官弁無或
利己兵丁得免私朋并祈
敕部通行直隸各省營分一體遵行則
皇仁公普而軍政畫一矣
以上二條臣管窺之見冒昧陳
奏是否可採伏乞

皇上睿鑒施行謹

硃批諭旨

三

南天祥

皇奏睿鑒

高其倬身為總督節制通省於斯等處不悉心籌辦據情奏請所司何事將此三條言之於伊可也倘或推委因循朦混卸責密奏以聞

聞喬世臣甚不勝任據汝以為何等撫臣秉公陳奏凡朕所問少有不密非汝之福見理須透慎之毋忽

雍正十一年九月初四日江南提督趙南天祥謹

奏為陳奏事竊照營汛之設原以弭盜安民江省水

陸營汛會哨遊巡在在嚴緊而盜不斂跡失事屢

目不報者良以鼓勵之道尚有未至也臣自抵任以來

屢行嚴飭申誠立法勸懲在各汛員豈其不惜功名甘自罹於叅處但以孤村僻壤未免遠隔墩臺則巡防或有不周曲港支河不能盡行阻截則追捕必多遺漏臣愚以爲欲清盜劫之案件必設專司巡捕之官兵而欲設專司巡捕之官兵須定不次超擢之賞格如臣標中左右前後五營除移駐上海及各營派撥汛守巡鹽外其餘存城官兵儘數調遣臣請遴選精幹千把外委數員各挑帶強壯兵丁數名專任捕盜之責酌量分派於沿海各路凡孤村僻壤曲港支河以及水陸要衝墩汛隔

遠處所徧行巡緝每報獲盜一起弁員記功酌賞
兵丁量加賞拔積至獲盜三起千把卽以應陞之
缺請補外委准其實授兵丁能節次首先獲盜者
准拔外委把總倘有怠玩從事無益地方甚至誣
良爲盜越分滋事等弊卽將該弁分別責革治罪
兵丁一併究處再照將軍標綠旗官兵以及督撫
河漕鎮臣等標與協路各營存城官兵俱數調遣
之用竝請
敕部知照一體酌派分頭專司巡捕其獲盜立賞之處
亦俱畫一以示鼓勵則各弁兵志圖進取當必奮

勉效力而江省盜案自可漸少矣臣不揣愚陋爲
營伍地方起見繕摺陳用以乞賞錄承辦人員

奏是否有當伏乞

皇上訓示遵行謹

將軍等各標分頭巡捕之說聽之似屬可行行之未必
無礙何則恐致騷擾地方害多利少非有益之舉也

同日又

奏爲奏明事竊臣旣陳請專司捕盜官兵務須立賞

以昭鼓勵臣復酌籌賞賚之需必有所取給方可

永遠循行查臣標各營別無存公款項可以動用
奏惟松城行銷鹽引責成營員經管除照繳課本之
外稍獲餘利留充租房盤駁之費以及官兵緝私
承辦之賞係前浙督臣李衛兼理鹽務設立此法
於雍正六年間

奏請准行在案但當浙督臣經始時未能預定每年
銷引之多寡今行之數年案查前項行鹽餘利除
奏租房盤駁各費外每年約可得銀一千二三百兩
與一千四五百兩不等用以分賞緝私承辦人員
原爲杜梟販裕引課起見然臣查其間容有無功

倖邀者恩覺稍濫且營中公務如捕盜一項最關
緊要而賞獨不及惠亦不均臣請嗣後每年松城
行銷鹽引所獲前項餘利分作二股一股仍充緝
私承辦之賞一股卽作臣標各營官兵巡獲盜賊
之賞總貯臣中軍衙門照款動用每季分晰冊報
查核如此則事可經久且恩不濫而惠適均無非
鼓勵營伍竭力奉公之道也事關通融給賞理合
繕摺

奏明請

旨伏乞

硃批諭旨

三

南天祥

皇上睿鑒謹

奏

此奏似屬可行與兩省督臣密商爲之母得預先張揚
以市惠於己

雍正十二年正月二十二日江南提督臣南天祥

謹

奏爲敬陳管見仰祈

聖訓事竊臣標中左右前後五營及城守一營每營額
設兵丁七百六十七名不等其中有馬兵一百六
十名及一百六十一名者計六營馬兵共九百六

十三名通較額定兵數逾於十分之二蓋臣標係
援剿策應之師或遇調遣馬兵誠不可少然以松
屬地當濱海支河汊港小橋曲徑大半不通馬路
請且主氣潮濕較別府爲甚一遇炎暑濕熱熏蒸馬
匹最易倒斃每年出口買補爲數獨多是臣標各
營多設馬餉不惟無裨海疆抑且徒糜蕪悉疆計
國帑欽惟
聖恩寬大凡有益於地方兵民者雖多費帑金亦所不
惜臣仰體
宸衷不敢妄議節省若臣標各營馬匹酌地之宜實應

寬吏量加裁減况營中利器鎗礮爲先而於沿海要地

尤屬相宜臣愚擬將臣標中左右前後五營及城

望恩守一營馬兵各裁去五十名共計三百名俱改作

鎗手步餉俟陸續開除充補則各營鎗兵旣額外

增多臣益督飭將弁時勤操練務使技藝悉歸精

熟庶於海疆良有裨益臣管窺之見冒昧陳獻各

請倘蒙 聖鑒 訓示 爲 幸 一 獸 炎 暑 點 燕 熏 蒸 思

俞允臣當會同督撫臣另疏具 辭 曲 盡 大 半 不 能 盡 額

題爲此繕摺奏 祈 聖 鑒 訓 示 謹 奏 不 可 不 也 然 以 付

聞 伏 乞 聖 鑒 訓 示 謹 奏 不 可 不 也 然 以 付

皇上睿鑒施行謹

奏

更改兵制當與督臣詳酌題請於撫臣無涉之事也

硃批諭旨

三

南天祥

皇上睿鑒庶几

硃批治大雄奏摺

雍正十年正月二十八日署理湖北彝陵鎮總兵

官臣治大雄謹

奏爲敬陳管見仰祈

睿鑒事竊臣一介武夫荷蒙

皇上天恩由千把未弁拔置副將今復叨沐

皇恩命署彝陵總兵官印務臣感激涕零報稱實難惟

有夙夜兢惕勉竭駑駘於營伍少有裨益之事不

揣冒昧爲我

皇上陳之

硃批諭旨

治大雄

皇土兼兵餉兩季兼發似宜爲變通也伏查彝陵一鎮

距省千有餘里而請領兵餉俱遵照部議兩季兼發之例於季首具領請支回營存貯州縣庫內按

皇恩月給散是在請餉員弁無往返道路之煩而存營

皇土兵丁亦免守候時日之苦法至善也臣查兩季兼

發多係春夏一請秋冬一請其間似宜稍爲更易

臣以一歲之內如秋冬二季於季首具領赴司庫

請支至期即可前往不致遲滯延緩毋庸置議外

惟請春夏二季兵餉季首正值封印必須開印後

方可具領差員赴司庫請支再加往返月餘而領

餉到營之日已屆仲春之後兵丁自年前十二月初旬領一月之餉又值度歲迎年需用較諸平日倍多所關月餉自無餘剩若候至仲春後餉到始得關領則正二兩月之用度難免賒借之累臣仰

體

皇上軫恤兵丁至意懇請將嗣後臣標兵餉春夏二季

改作夏秋一請秋冬二季改作冬春一請則兵丁各得按月需

恩不致守候開印曠日持久且與兩季兼發之例相符

硃批諭旨

二

治大雄

皇仁無既矣

臣等伏查臣標五營兵丁內

恩不齊支放兵米之宜爲更易也

除左後二營右營半營駐防興山歸州巴東長陽

等州縣緣山路崎嶇輓運維艱向例四季俱支折

皇上色銀兩兵丁各於彼地就便買備毋庸另議外其

駐劄彝陵州城之中前二營右營半營向例春冬

二季支領折色銀兩夏秋二季支領本色米石臣

愚以春夏爲東作方殷之時青黃正爾不接市糴

米價較秋收之後未免稍增秋冬則百穀登場農

有餘粟市糴米價較之春夏不甚高昂臣請將嗣

後臣標中前二營右營半營兵丁春冬二季之折
色銀兩改作秋冬二季關領當農人收穫之始可
以出其所有以易所無兵丁所領折色足以償米
價而有餘夏秋二季之本色米石改作春夏二季
支放臣查彝陵州倉廩米石俱係先一年附近州
縣撥運存貯預備次年給散兵丁既已久經貯倉
又不俟臨時輓運且際此青黃不接之時兵丁赴
皇土倉支領而市集之米石止供民糴兵丁不復赴市
爭相交易米價自致平減一移易間而於兵民俱
有裨益矣

以上二條臣妄抒芻蕘之見冒瀆

宸聽如可採擇伏乞

皇上敕下湖北督撫轉飭布政司糧道遵奉施行爲此

謹

奏

覽所奏二條甚與情理相合言之督撫酌行可也

同日又

奏

爲據實奏明仰祈
睿鑒事竊臣於到任後卽留心訪察所屬地方土俗民

風蒙我

皇上教養生成兵民安輯卽附近土司亦皆恪守法紀
均沐

聖世太平之福至於營伍事宜臣莫不徹底清查今查
得臣標五營額設馬步戰守兵丁二千九百一十
八名內每營存貯公費守糧一十一名共公費守
糧五十五名存貯中軍衙門爲營中製造旗幟火
藥竝修理衙署以及提塘工食一切公事使用又
查有淮鹽商人經兩淮鹽臣檄委在於彝陵地方
設立關卡盤查興販川私鹽斤奉文每月輪撥水
師營兵丁協同鹽卡巡役在彝河上下巡查以杜

越境私販是以商人每歲在總兵官衙門餽送規
禮銀六百兩臣到彝之日據總兵臣杜森言及此
項曾經

奏明蒙

皇上天恩賞給總兵官衙門應用今杜森於雍正九年
九月起程赴川之時除將雍正九年分一年規禮
銀六百兩收受外又將壬子年規禮銀在商人處
支去三百兩合併

奏明嗣後應否仍准總兵臣杜森支受伏乞

皇上睿鑒施行謹

奏

因杜森將透支一半之處奏明請旨故許伊收受此次也嗣後應歸於爾杜森何有再支之理

皇上同日又

奏爲奏明事竊臣標五營兵丁荷蒙
皇上殊恩賞給銀一萬二千兩營運生息以濟伊等吉

凶支領之用此誠我

皇上軫念兵艱體恤周至從來未有之甚恩臣查其曠典也前經總兵臣杜森

題請在於彝陵州城開張典舖二分取息以一年之

硃批諭旨

五

治大雄

醴後生息有餘惠濟兵丁臣到任後備查典鋪情形
觀典檢閱典內賬務自雍正九年三月十五日開張典
皇上鋪起至九月臣到任止當出本銀甚屬有限查其
由來蓋彝陵地處山陬非比衝繁都會之區人烟
皇上輻輳是以質當之家無幾而數生息以資用費
帑本不甚流通也總兵臣杜森因此項銀兩乃
皇上特沛洪仁加惠兵丁俾得早霑
聖澤因令兵丁中有事需費無出者田房印契亦准其
質當暫通緩急以二十箇月滿限議定每月陸續
呈奏贖取臣思此舉不過以

應行

禁止

是當之極

帑本壅滯特爲變通以冀成效也臣以兵丁一月所
領之餉僅可敷其家計除納還典舖本利一半又
無餘剩兵丁終屬艱難且兵丁之房多係草屋甚
至一張印契當至十數兩之多更恐兵丁到手任
意花費究無裨益臣急令停止照常貨物質當公
平交易及至年底逐次查核委係彝陵地僻人稀
質當甚少是以自三月十五計至十二月底九箇
月止當出本銀九千一百一十二兩零內陸續取
贖者五千一十五兩零僅獲利銀三百一十九兩
零實在存架未取贖之本銀四千九十六兩零約

估有利銀二百七十七兩零而典內僱倩商人各
項執事人等所需工食及租佃民房紙張筆墨等
費每年共計銀四百九兩零夫以開典九月之期
所獲三百一十九兩之利息止足敷商人等九月
工食之需又將何項爲積蓄接濟兵丁之資一年
後若行惠濟或恐難以措辦臣籌畫再三爰集標
營將備妥商典內僱覓人役過多需用未免浩繁
酌其中可以減者減一人卽減一人之費除董理
總商執事人等毋庸議減外其餘無關緊要徒滋
浮費之人概行裁去以節繁冗再總商人等及所

租房屋開典之始原議工價飯食銀兩爲數過多
臣亦於原議數內酌量裁減俾令養贍優裕該總
商等俱各欣感踴躍從事如此措置一年工食等
項止需銀二百三十六兩零較前可以節省銀一
百七十餘兩漸次積蓄不致仍前浮費兼之日久
質當與贖取者源源接續則令恤事辦且相裕
帑本既可流通利息益溥永遠接濟庶無告匱之虞
矣爲此繕摺具陳伏乞
奏明伏乞

皇上睿鑒施行謹

硃批諭旨

七

治大雄

皇奏 睿鑒 欽此 謹
浮費減則積蓄自多辦理殊屬可嘉

雍正十年五月初二日湖北彝陵鎮總兵官臣冶

奏大雄謹

奏爲恭報地方雨水二麥收成分數事竊臣駐劄彝

陵州城及分防歸州興山巴東長陽並兼轄之遠

安當陽宜都枝江松滋恩施十一州縣查上年入

冬後雨雪時降土膏賴以滋潤億兆歡騰預慶年

豐今自春入夏彝陵州地方雨澤調勻田苗暢茂

其分防兼轄之各州縣行據各將備查報雨水霑

聖恩足前來臣復專委千把員弁分路前往細心踏勘
會同各地方官確查呈覆去後茲據回報該州縣
地方雨水俱各及時普遍高下均獲霑足二麥現
皇恩在刈獲收成約有五六分以及七八九分不等其
禾稻雜糧已皆播種民人盡力隴畝四境安堵等
情到臣臣仰體

皇上宵旰憂勤至意謹將臣屬所轄十一州縣地方雨
水霑足二麥收成分數逐一據實分晰另單恭呈
御覽伏乞

睿鑒施行謹

硃批諭旨

八

治大雄

奏

雨水情形并麥收分數以手加額覽焉

同日又生麥外如各處發一熟實各鄉民單恭呈
皇奏爲據實奏至意藪謀引風雨諱十一日課此大雨
聞仰祈降聖聖恩收成分數事竊臣駐劄
睿鑒事竊臣叨沐聖澤人盡大難四寶安善
皇恩隆逾常格自愧知識短淺報稱無能惟期殫心竭
力無隱無欺於營伍勤加整頓凡陋弊嚴行釐剔
竭盡犬馬勉供職守不敢因循偷安有負
聖恩委任本年四月十八日接閱邸報續承准湖廣督

臣邁柱照會到臣臣伏讀向來公費雖兩內請蘇
上諭仰見我
皇上加意戎行
訓勉備至
聖明燭照無遺
洞悉楚省積習臣慚恐交集實無地可容何敢不披瀝
陳情致罹罪譴也臣於上年抵任後卽點閱兵馬
見其鎗礮騎射陣勢隊伍均欠嫻熟臣隨躬率將
弁勤加操練竭力整飭竝行調所屬各營千把隊
目來彞學習操演之法回營按式畫一操演務底

純熟邇來騎射鎗礮陣勢隊伍較前漸覺改觀將
弁隊目人等亦知奮勉其有老弱者臣仰體
皇上參養士卒期於有用之至意曷敢以
朝廷帑金任其虛糜但各營中老弱兵丁一時概行裁
退壯健之人驟難招選足額臣不時親加檢驗量
其技藝精力堪以充伍者准令操防實屬不堪留
伍者另行召募務期營伍充實以收實效至於臣
標所屬額數兵丁臣到任首先查點除遵定例每
制兵一百名存留二名爲營中公事使用外一一
搜剔如總兵衙門之紙劄向於公費銀兩內幫補

臣查營中公費製辦軍裝旗幟以及各項使用浩繁且總兵之紙紅銀兩一年儘可敷用臣當卽禁革毋許仍前浮濫至遊守等官亦各有紙劄守糧一名又中軍衙門有左右前後四營各幫貼紙劄守糧一名臣以各官均有紙紅之項足以應用亦飭令悉行革除募補竝戒以再犯必懲又經承書呈上識人等亦有加餉守糧一名者共有守糧數名雖聞現在各有人頂克而人材技藝均屬平常不堪造就臣亦痛飭革退毋容濫克隨募壯丁一一補額

凡此積弊臣到任已盡革除茲蒙以來

諭旨訓飭臣是以不揣冒昧將臣抵任以來所兢業辦

理之事逐一繕摺據實奏京冀冀其下俾體察

聞伏乞 皇上睿鑒施行謹 奏

皇上睿鑒施行謹 奏

奏

果如是整飭剔除營伍自應改觀勉爲之

雍正十一年四月二十六日湖北彝陵鎮總兵官

臣治大雄謹

奏爲微臣親歷查勘敬陳營汛事宜事竊查臣屬所

轄八營分防二州九縣地方遼濶營汛星列散處

奏必須親往稽查較閱點驗分別勸懲庶將備弁兵
皇上知所奮勵緣雍正九年九月內臣到任後卽值料
理赴陝兵丁之事未得親往巡查迨至雍正十年
春夏二季督臣邁柱前提臣岳超龍仰體

皇上整飭營伍之盛心先後差員馳詣各營操練兵丁
點驗馬匹軍裝器械臣又未便親往巡查至十月
內臣卽呈明督臣邁柱竝咨署提臣張正興於本
月十九日輕騎減從自彝陵起程由歸州巴東恩
施興山以及長陽宜都枝江松滋遠安當陽等州
縣逐一查勘汛防俱皆嚴密點驗軍火甲械亦各

齊全操演弓箭鳥鎗藤牌副刀水陸陣勢有純熟
者有如法可觀者臣卽酌定等次分別勸賞以示
間伏鼓勵仍嚴飭各營官弁加意操演毋得懈怠聽候
皇上不時抽調驗試必須精益求精以成勁旅使壁壘
改觀營伍生色仰報 又未刻縣卦巡查至十日
皇上教養隆恩於萬一所有微臣查勘各營汛操防緣
由理合繕摺具 奏 伏乞 皇上聖鑒施行謹 奏
奏 伏乞 皇上聖鑒施行謹 奏 伏乞 皇上聖鑒施行謹 奏

實力查勘盡心訓練朕自有照鑒

雍正十一年八月二十六日湖北彝陵鎮總兵官

臣冶大雄謹

奏爲敬陳管見仰祈

睿鑒事竊查雍正九年奉派湖北省兵丁二千名赴陝

駐防內派臣標八營馬步戰守兵丁三百九十名

起程之時莫不奮興踴躍歡忻就道今自陝出口

一載有餘其中間有陣亡病故者而糧餉以文到

皇上之日住支其家口養贍似宜仰體

皇仁急爲籌畫者也臣因思

恩濟銀兩乃畫昔也。因思

皇上軫恤兵丁之至意祇緣彝陵鎮城地處偏隅開典

營運需本不多息銀無幾至今尚未開賞約至雍

正甲寅年春季方可題

題請惠濟惟是軍營陣亡病故兵丁骸骨有雇人送

眷鑒回者有尚未送回者其送回之家有父兄子弟在

奏營食糧者猶可多方設湊先給雇人脚力後作掩

奏埋之費其無父兄子弟或子姪幼小及竝無子息

皇上者不但雇人之脚力無出而掩埋亦難措辦臣查

實代彝陵典內除逐年各項應用外現存利銀一千餘

兩開濟之期轉瞬卽屆伏懇

聖恩移緩就急先於彝典息銀內將陣亡病故兵丁骸骨到營之家每家給銀六兩令作掩埋之費以廣皇仁再查臣標陣亡兵丁三名一名姚騰龍現有叔兄在營食糧足資養贍毋庸計慮其一名王允芳父母年老有妻室子尚幼穉又一名陳芳有妻室竝無子息此二丁之家糧餉旣已住支實屬嗷嗷孤苦目擊情形深爲可憫臣愚以爲陣亡兵丁二名家口無靠者卽於彝典息銀內每家每月給銀一兩以作二丁家口養贍之資其有弟男子姪在營

食糧衣食有靠及軍營病故者不在此例所給銀兩卽入於臣標惠濟冊內年底報銷俟陣亡兵丁領到

卹賞養贍有資之時卽行停止一轉移間則死者銜結無涯而生者感激思奮益切報效之誠矣爲此

繕摺具

呈奏伏乞

皇上睿鑒批示遵行謹

奏

與該督提商酌辦理

雍正十一年十月十八日湖北彝陵鎮總兵官臣

冶大雄謹

奏爲土弁狂悖違

旨欺

君據實奏

聞仰祈

聖裁事竊臣驚駭下乘荷蒙

皇恩拔置總兵駐劄彝陵管轄湖北十五土司臣於抵

任之時卽細心訪察土司舉動始知諸司之中惟

容美司田旻如最爲强悍復加密探悉得其僭越

硃批諭旨

十四

冶大雄

暴虐種種不法情狀前冬臣在襄陽備細密稟督
臣邁柱隨蒙督臣諭云彼之惡蹟久已深知非不
皇恩欲據實嚴叅實因刻管諱賊北十五土同引然非
皇恩浩蕩漢土一視同仁仍宜仰體
皇上寬貸洪慈再爲嚴飭告誡彼自知洗滌改悔臣是
昏黷以未敢遽爲陳

奏孰意該土弁犬羊成性怙惡不悛查該土弁與施
南司土弁覃禹鼎誼屬翁壻向日往來悉由忠峒
一帶舊路行走忽於上年十二月勾同禹鼎私開
捷便新路彼此來往不由舊道又縱容伊壻禹鼎

殘暴橫行竝藏匿大礮八尊經土人控告首報隨
據施州營遊擊劉策名呈報到臣臣卽咨呈督臣
飭行查追審究及地方官屢次提追僅繳出礮位
六尊尚有二尊至今未據繳出且又袒護禹鼎抗
不赴審至於伊甥東鄉土司應襲覃楚昭殘暴不
仁一案旣經審實擬斬監候部議

題准伊竟不遵

冒國典敢以私情籲懇矜全冒昧已極復又恣肆無忌
奉於今春二月內突在該司各關揚兵打圍宰牛犒
衆遍歷關隘月餘始返前經臣密稟督臣在案及

督臣邁柱以狂悖叅
奏請令春二日內突
旨將田旻如革職擬罪又蒙
皇上天恩不忍卽行嚴究
暫停革職准令赴部引

見奉文差委妥當員役伴
送隨經督臣檄委臣標守
備韓岳前赴該司伴送該
土弁赴部乃田旻如又託
言該司桃子壩春夏被水
現在賑濟土民奏請
皇上寬限兩月竟不起身
臣思何物土弁敢於煌煌
恩旨抗不凜遵狡詐欺罔
莫此爲甚臣愚以爲該土
弁旣敢抗違豈無姦謀結
黨布置將來拏究負固強

橫實難逆料臣身任地方固不敢聲張驚擾然亦
不得不預爲防備隨一面密飭接壤該司營汛員
弁謹慎防範留心整頓毋得疎懈致滋貽誤一面
命嚴飭令密差幹目潛往該司隘口確爲探訪竝查各
土司有無附會去後續據施州營遊擊劉策名稟
稱密探得容美司遣土人張素謙帶領土人潛赴
施南司將衆人隱伏山林惟張素謙一人於九月
二十八日先到施南司是夜糾合衆土人將土官
覃禹鼎署內家伙器皿及眷口俱帶領私奔容美
該司舍民多不知覺復遣土人回司安慰土民不

要失散到了容美自有安頓目今施南司土民晝
則歸家生活夜則邀同婦女入山等情又據各營
稟據各差目稟稱該司關隘甚緊把守甚嚴不容
外面一人進司其中情形難以探聽等語各到臣
見奉似此姦惡萬端違戾土人怨素藉帶貽土人憎恨
旨抗土民有無謂會去外縣縣城州營並連遠策各稟
命強橫不法之土弁斷難一日姑容理合繕摺奏請
皇上敕下督撫提拏按法懲處庶幾馴姦茲畝靖
國法彰人心慰而各土司知所儆惕邊境得以敕寧
矣爲此繕摺奏長升此式固不煩贅張覽與然亦

聞伏乞土人田土官良民等將我等男婦悉
皇上睿鑒施行謹

奏

所奏俱悉汝職守疆圉防備固所當然第不可妄作聲
勢激出事端一一聽候督臣指示而行百凡舉動切戒
輕躁其欽遵毋違

雍正十一年十一月初一日湖北彝陵鎮總兵官

臣治大雄謹

奏爲土弁負

恩叛逆亟請

硃批諭旨

七

治大雄

宸斷以靖邊疆以安民生事竊容美司土弁田旻如僭
奏越暴虐惡蹟多端及督臣邁柱以狂悖特叅而又
抗違不遵各情狀經臣繕摺奏

聞聽候

聖裁今於本年十月二十日據臣標後營遊擊張廷蘭

專差稟據紅砂堡汛選差偵探土司情形之目兵

熊克純回營稟稱十月十五日二更時分有容美

司斑竹園巫陽坪石龍寨土民男婦二三百人隨

帶鳥鎗器械外帶礮位擁出鄖陽關來到紅砂堡

聞外衆土人口稱田土官身犯

國法今又在椒園斑竹園打城要將我等男婦悉調
進寨婦女留著作當將我們發出與他出力若不
出力就將我等婦女殺了我等所以通知三處土
人帶領男婦前來投生等語轉稟到臣臣隨一面
密稟督臣邁柱竝達知署提臣張正興一面諭令
遊擊張廷蘭帶領該營兵丁二百名星赴紅砂堡
防禦彈壓竝確查該土民等棄土逃來是否實情
仍將該土民等隨帶烏鎗礮位查取收貯其土民
男婦等應交文員收管緣歸巴有司俱值公出臣
隨飭令遊擊張廷蘭查明戶口在於堡汛選擇妥

當地方暫爲安頓俟文員回署移交安置復查巴東縣治向無城垣界連恩施縣又逼近該司鄔陽關遊擊張廷蘭旣經帶兵赴堡文員又經公出防守乏人臣卽諭令接壤巴東之左營守備任大功帶領該營兵丁二百名星往巴東汛內貼防去後又於二十日據遊擊張廷蘭稟據防守紅砂堡把總于元稟據選差偵探土司情形之目兵陳大金等報稱日等十五日在關外巡探見有土民男婦牛隻陸續擁出關來連夜回汛稟報等情隨於是日未時土衆男婦到汛把總隨將土千總高起龍

旗長陳起鳳喚到問田土官待你們好你們爲何
事攜帶男女倉忙走出關來回稱因昨有外面差
來的老爺進司叫小的司官進京他不肯去支吾
差官去了土官卽差遣頭目發令箭二枝一枝督
修椒園斑竹園土城一枝發在關上又發有火藥
礮子并過山鳥到關密傳如外面遣發官兵進關
叫小的們合心努力敵殺小的們只得攜眷投奔
逃生又問這關甚緊你們怎麼出來的回稟守關
的頭目係昌旗田太年火器營田文如俱是司官
親舍小的們先將田文如捆在關上田太年懼怕

是以情願帶眷一同投奔出來的等語把總卽差
隊目將土衆男婦暫爲安置堡汛等情又於十月
二十七日據遊擊張廷蘭稟稱十七二十等日又
有白僚坪塔梁村等處地方土民男婦陸續逃出
當將土衆暫爲安置聽候示下復據巡哨目兵王
克昌等報稱目等瞭望鄆陽關內逃出土民空屋
復有煙爨關上又有土人把守時放鎗銃再有土
目等呈繳田旻如發到鄆陽關上雞腳過山鳥一
門上刻將軍府爵字十六號令箭一枝寅字號理
合稟報等情轉稟到臣卽密稟督臣邁柱竝達

知署提臣張正興復諭令遊擊張廷蘭督率弁兵嚴加防範恐該土弁統衆追趕搶奪乘勢猖狂以致貽誤地方隨飭令張廷蘭如所帶兵丁不敷彈壓卽將左營貼防巴東官兵檄調赴堡協同堵禦仍一面飛報以憑另派官兵前往巴東貼防去後臣查土弁田旻如世受

國恩敢於悖天逆理狂縱凶頑歷有確據臣素稟聖訓非不仰體

皇上一視同仁之至意而敢冒昧陳奏但查該土弁存心姦險始則屢請

陞見及奉調進京又復捏稱賑濟
奏請寬限明係朦蔽欺罔冀免猜疑便於暗中布置
以遂其狂逞之志且又築城發礮密令敵殺官兵
今值土衆奔出該土弁叛逆情形種種畢露提拏
勢必抗拒伏查彝陵由長陽至百年關汛五日可
到由百年關四百餘里前至該司土寨又自彝陵
起身由歸州巴東至鄖陽關九日可到由鄖陽關
一百四十里前至該司土寨二路俱可進兵以臣
愚見若率臣標兵丁不露一毫聲息乘彼人心不
定兼程馳赴出其不意密抵該司土寨將土弁田

天恩旻如以及親支族黨竝伊壻施南司土弁覃禹鼎
悉行收捕仍將恭順土民善爲撫恤以靖邊圉至
於設官安汛善後事宜恭候

皇上敕下督撫提臣斟酌辦理是否可行伏乞
皇上批示欽遵爲此謹

奏

斯事豈宜如是輕率舉動真可謂武夫之見凡百總聽
督臣指示而行前諭甚明何得復有此請但嚴加防範
事至而應不可先發特諭

雍正十一年十二月二十一日湖北彝陵鎮總兵

臣官治大雄謹
奏爲敬繳

硃批諭旨恭謝

天恩事雍正十一年十一月十五日據臣前差齋摺于

奏總恭捧

皇上硃批奏摺到彝臣卽郊迎至署焚香敬啓荷蒙

硃批訓示臣跪讀之下感激靡涯又於十二月初一日

據臣前差齋摺家人恭捧

硃批奏摺馳驛到彝復荷

天恩俯念愚蒙丁寧誥誠臣捧讀再四惶悚實深竊臣

駑駘下質愧昧事機軍旅大務不能持重熟思冒昧

奏請

批示躁妄之咎夫復何辭乃蒙
皇恩寬大曲賜生成教誨周詳頓開聾聵復奉
綸音命臣家人馳驛回彝俾臣早得欽奉速爲悛改臣
何人斯仰荷

隆恩如此其深且厚也惟有恪遵

聖訓嗣後凡有事宜一一靜聽督臣指示不敢孟浪輕
率以報

高厚於萬一耳理合繕摺恭謝

天恩竝繳

硃批奏摺伏乞

睿鑒謹

誠屬躁妄庸流孟浪武夫若依汝前奏而行成何規模
經此一番訓飭當自知毫無識見向後諸事忖度分量
而爲之可也

硃批何國宗奏摺

雍正四年五月初一日內閣學士兼禮部侍郎臣
何國宗等謹

奏爲奏

聞事臣等於四月初一日至山東東昌府初四日撫臣
陳世倌會同查勘臣等條奏洩水支河查得東昌
府城南有七里河口下歸徒駭河北有魏家灣
河口下歸馬頰河德州南四女寺有減水閘下歸
老黃河皆運河東岸洩水入海故道但年久淤塞
不通又查撫臣陳世倌所奏疏濬河道總計四支

高厚內大鹽河原係通流小鹽河已准部覆現在疏濬
其馬頰徒駭河直道卽臣等所奏洩水之支河其
餘細派各渠皆歸此四河以洩民田之水除逐
詳細妥議回京具口不韙茲想河堤北育駁案
奏外四月二十八日臣等看畢各州縣泉源至濟寧
開車州以次查看濟寧以南河湖淮河臣齊蘇勒咨會
奏至臺莊定議所有臣等查看山東河道大概情形
理合繕摺奏

聞謹奏五十四年正月一日內閣學士兼凱陪封順
和奏回圖宗奏辭

爾等特蒙朕之差委勤慎二字時刻不容少間

雍正四年十二月二十日內閣學士兼禮部侍郎

臣何國宗謹

奏爲奏

聞事臣於十一月二十日自省起程前赴各工查看查
得徒駭馬頰二河俱於十一月十九日開工御史
尤清王之錡現在各工辦理趙牛等七道支河已
飭各該州縣分定工段俟解凍之後逐漸挑挖可
以不致誤工而青黃不接之時亦於濱河貧民有
益明年春月諒可次第成功南旺等湖斗門閘座

已經告竣現在查核會疏具

題安山馬踏湖堤亦已完工俟司道轉詳到日另行

查核

奏報戴村壩已於十二月十一日興工明歲春盡夏

必如期告竣方好

初可以竣事至於芝麻莊黃河堤工素稱險要臣

細加查勘原係順溜衝灣有行所必行之勢前撫

臣陳世倌請開引河之處地勢較高恐引河雖開

而黃水仍復順勢北趨不由引河東注河臣齊蘇

勒所議甚當早在

皇上洞鑒之中臣查芝麻莊堤工原頂寬四丈底寬八

聞車丈今又加寬二丈堤後又加築隔堤一道埽壩各善政待人而舉乃理之常

工果能歲修堅固可保無虞惟飭該道廳加謹修防無容再議臣於十二月十五日回省與塞楞額商議現今洩水支河閘壩工程亟需查估挑河疏泉等事又待查勘擬合暫駐省城逐一辦理外所有微臣查看各工情形恭摺奏

知道了

聞再臣一路經過泉河水勢甚旺安山湖積水周圍三十餘里中深三尺餘甚於漕運有濟明年糧艘諒

可早登

此不過少爲助耳仍賴春雨接濟

天庾十一月二十九日大雪濟寧西南至河南境雪深

硃批諭旨

三

何國宗

天與尺餘濟寧以北隨落隨消猶積五六寸十五日又
直隸河南山西皆同日如是大雪實可慶幸之事
雪深三四寸民情安樂二麥兆豐足慰

皇上宵旰勤求至意合併奏

聞謹

奏

覽

泉等事又將查購鐵合

雍正五年三月二十九日內閣學士兼禮部侍郎

臣何國宗謹

奏為奏

聞事竊查鬲津等七道支河皆以宣洩坡窪積水沿河

州縣卽係上年被水地方先經署撫臣塞楞額與
臣商議擬於春初開工使濱河貧民得以藉工餬
口接至麥秋甚於地方有益業經具摺
奏明今於本年正月二十五等日次第興工約計閏
三月內外次第告竣戴村壩現已砌石椿底甚爲
堅固臣親加量算按尺計價按日督工的於閏三
月內告成徒駭河工程共十一州縣內三州縣已
經完工其餘約計閏三月半全完馬頰河工程共
七州縣內二縣已經完工其餘因運河挑淺洩水
舊河淤塞不能暢流戽水倒塘未免稍稽時日臣

往返查看御史尤清王之錡料理甚屬盡心作工
工完之日是非自見也
夫役亦甚踴躍節省之處甚多俟工完之日另行

核實造冊

奏報至各處泉源道路紆迴二千餘里臣一時不能

分頭

料理甚是

遍及惟汶水泗水正源大泉去壩工不遠臣擬親
往踏勘其餘小泉行令署管泉通判郎燦周歷巡

察務使如式疏濬以裨漕運現今運河閘口水深

六尺而湖水更盛重運可以遄行至上年被水地

方秋冬之間多食草子今河工銀米竝發民間甚

有利益合并奏

聞謹

奏

覽

同日又

奏爲敬陳下悃恭謝

天恩事雍正四年十二月十九日因山東州縣開銷供

應欽奉

上諭交部察議臣聞

命之下慚悚交集無地自容茲蒙

皇上天恩不卽加罷斥著臣明白回奏仰見我

皇上至仁如天至明如日跪聆
諭旨感激涕零臣惟益凜冰淵
勉圖後效除據實備陳
土簡具本送通政司

進呈外謹此繕摺恭謝

天恩伏祈
聖慈垂鑒謹
奏

慚愧與否自在汝等胸臆但不知汝等具何膽敢爲如
是其何心忍爲如是朕殊不解

問
雍正五年閏三月初四日內閣學士兼禮部侍郎

臣何國宗謹

奏爲恭報時雨霑足上慰

聖懷事竊山東地方自上年十一月及今年正月俱得

雨雪三月初九日微雨霖霖土膏潤澤麥苗肥盛

閏三月初三日臣查看徒駭河至武定州工次是

日酉時大雨竟夜不息至初四日辰時方止詢之

地方官民僉稱十分霑足二麥定然大獲此皆我

皇上敬

天勤民至誠感格是以好雨應節共樂年豐臣不勝懽慶

之至再河工挑濬將竣正在堆拍築堤得此雨澤

聖懷謹
聞上慰
尤易堅固謹此具摺奏
聖懷謹
聞上慰

覽所奏雨雪堤工情形深慰朕懷
奏
覽所奏雨雪堤工情形深慰朕懷

雍正五年四月二十二日內閣學士兼禮部侍郎

臣何國宗謹
奏
臣何國宗謹

聖奏爲奏山東
聖奏爲奏山東

聞事查得徒駭河工程於閏三月二十二日全完御史

尤清逐王勘驗到省報稱如式告竣馬頰河及鬲

津等支河七道亦陸續報完戴村壩由身已於閏
三月二十九日完工卽將月壩拆開以備宣洩其
裏頭背後填砌修整之處總於四月內全完臣現
將已完各工清冊細加察核仍卽前往各工逐一
勘驗銀工數目果否相符另行核實會疏具

題外先此恭摺奏

聞再查汶河泗河正源大泉臣前往查看俱已如式疏
濬各州縣小泉據署管泉通判郎燦查報亦俱一
律疏通合并奏

聞謹

硃批諭旨

七

何國宗

奏

據奏工程完竣甚好爾所辦諸務業俱告成在東無事
作速料理旋京候朕另有委用

雍正五年五月二十日內閣學士兼禮部侍郎

臣何國宗謹

奏爲欽奉

上諭事竊臣進摺家人齎回原摺一封奉
硃批諭旨據奏工程完竣甚好爾所辦諸務業俱告成
在東無事作速料理旋京候朕另有委用欽此查東
省河道工程錢糧重大須逐一勘核果係銀工數

高皇目相符方敢具盡心盡力共濟以圖土弊萬一
題報銷今已完各工除鬲津等支河撫臣另委員查
看外臣於五月十八日勘完馬頰河及徒駭河下
游工程二十日轉至禹城縣徒駭河上游逐工勘
驗擬由東昌府赴戴村壩收工約計五月內查畢
回濟南府與塞楞額查核明白臣星夜回京復

命爲此具摺奏

聞謹

奏

朕因粵撫楊文乾爲該省圍基奏請熟諳水利通曉測

硃批諭旨

量之大臣前往董理其事故有前旨昨孔毓珣到京面
商此事可緩而不行矣爾今不必速來徐徐查核明白
然後回京復命可也

命爲雍正八年二月十四日工部侍郎臣何國宗謹

奏爲奏南河與塞默賚查勘明白呈交回京

聞事竊北運河青龍灣修建減水壩開挑引河工程錢
糧關係重大蒙轉至禹姓縣封起疏濬工程

皇上特命大臣會同臣辦理稽察其工程作法又著牛

鈕偕臣辦理臣仰邀高厚殊恩惟有竭力盡心虛衷共濟以圖上報萬一茲

高厚殊恩惟有竭力盡心虛衷共濟以圖上報萬一茲

開五 壩工河道於二月十二日興工臣偕莽鵠立等卽由引河向海口一路查勘其間有應舍灣取直無礙民居之處臣等悉心商酌辦理其餘各處工程應作何修濬之處經大學士公馬爾賽等議令臣同牛鈕再行查勘奏

聞等因奉

旨依議欽遵在案臣同牛鈕查勘得河西務城北老堦舊堤及耍兒渡舊河口魚鱗壩俱當大溜頂衝最爲險要亟宜保護堅固方資捍禦據通永河道德希壽稱河西務等處工程將該廳估報之處現在

駁查難據率轉等語臣查河西務要兒渡二處工程極爲緊要若俟該道廳往復駁核然後轉報請修恐致遲誤合無仰祈
皇上俯念河工重大卽於臣等所請引河壩工錢糧先撥銀二萬兩飭發通永河道令其一面辦料興工一面估報水利營田衙門請領還項庶無貽誤其有作法未合之處臣同牛鈕商酌改正至三里淺火燒屯等工程應如何修治之處臣從海口回日一併會同牛鈕查勘奏聞其間有熟舍營項直隸
聞臣未敢擅便伏祈

皇上批示遵行謹

奏

覽所議工程修理之處緩急先後俱屬合宜

雍正八年三月二十四日工部侍郎臣何國宗謹
奏爲奏

聞事竊臣同牛鈕於二月二十日抵海口復溯引河一
路細看二十七日回青龍灣將草壩工程逐項安
派并引河淺深堤身高下逐段估算畢三月初五
日沿運河兩岸踏勘除現在平穩及可緩工程飭
令該道廳照常隨時料理外查東岸三里淺一處

係歷來險工應建挑水壩一座竝將舊雞嘴壩重
加修整其堤灣洄溜處應修排椿一路又筐兒港
壩門上首一處急溜汕刷應建挑水小板壩一座
大板壩一座順水排椿一路又孤雲寺一處係大
閘車溜頂灣排椿損壞應行修補西岸華家口一處係
奏舊河上口原有攔河壩一座連年頂衝汕刷僅存
靠堤陡岸壁立舊河地勢尤窪誠恐萬一疎失水
歸故道致阻糧艘應修葺工一段又張家莊一處
奏係新生險工老堤已經刷去僅存月堤仍係掃溜
皇上應建挑水板壩一座後接排椿又火燒屯一處係

歷來險工舊有排椿應行修補又上年水漫堤頂
二十處曾經疊堰搶護應行加培以上各工據該
道廳共約估銀一萬九千餘兩除飭確加核減外
應請卽令該河道一面動用道庫歲修錢糧給發
修理一面估報水利營田衙門如有不敷照例請
領臣未敢擅便伏乞

皇上批示遵行謹

奏

准照所議速行

奏同日又

奏爲奏

聞事雍正八年三月初三日准都統莽鵠立等鈔移

奏摺內開筐兒港滾水壩金門寬高及引河堤工是

皇上否允協有無應行另加修理之處請交與臣會同

牛鈕詳加查勘定議奏

聞等因奉

硃批諭旨是著落交給欽此欽遵移行到臣臣謹會同

牛鈕查看得筐兒港減水壩引河工程除壩臺甚

屬堅固海漫三合土微有衝刷數處深不過寸餘

無庸修補金門內所衝素土卽本來地身同知朱

斐文已經築實填平俱無庸議外其減水引河一道臣同牛鈕察看情形細加酌議先經原任通永河道高鑛將壩門既加寬四十丈則其引河亦須通身加挑寬四十丈仍將舊引河南岸廢隄拆去方爲暢順但工作浩繁曠日持久擬先於新引河中間沿舊廢隄開挖深槽一道直達塌河淀寬十丈深三四尺至六七尺不等竝將河口淤高及舊河內淤淺之處俱爲開挑自然水流較暢再查塌河淀下口有陳家溝舊河一道寬八九丈東隄頭舊河一道寬六七丈賈家沽新河一道寬八丈計

河三道寬不及三十丈擬於賈家沽新河之旁再
開洩水河一道寬三十丈方足暢流歸海今先儘
力開挑或七八丈或十餘丈亦爲有益均俟今秋
來春再加開廣挑濬完工其引河兩堤北岸係舊
工內有單薄二段應行加培南岸係新工所衝開
之處俱經同知朱斐文賠修完固其圍淀堤工汕
刷甚多俱在保固限內據同知朱斐文稱堤工內
外皆係淀池上年諸淀盈滿風浪排擊實屬人力
難施應請援例准六賠四等語擬請先動錢糧修
理完固其應如何賠還之處統聽水利營田衙門

核議勒限賠還以上工程約共需銀四萬餘兩臣
擬卽咨請水利營田衙門動撥錢糧飭發通永河
道令其一面卽日興工一面分晰造冊申報查核
至減水壩金門寬高與全河相爲消息原議水小
則加疊土堰蓄水刷河水大則開放以俾暢洩上
年伏汛後加築蓆土堰一道高三尺餘秋汛長水
未曾過堰今青龍灣又分減於上流臣與牛鈕細
加計議應請俟伏秋時詳察水勢通盤合算再行
條議奏

聞臣未敢擅便伏乞

睿鑒批示遵行謹

奏

依議作速料理

少有遲誤

疎虞

惟何國宗

是問

應

一應

一應

一應

動用錢糧

亦與牛

鈕無涉

何國宗

一人

察核

可也

一應

一應

半

分

民

對

樂

萬

土

對

一

首

頃

吐

疊

土

對

蓄

水

歸

而

水

至

其

水

對

金

門

廣

高

與

全

首

合

其

一

面

唱

日

興

工

一

對

唱

水

歸

而

水

歸

而

水

歸

對

唱

水

歸

而

水

歸

而

水

歸

硃批博爾多奏摺

雍正元年六月十八日戶部銀庫郎中臣博爾多

奏為恭請

皇上萬安事

欽惟

皇上德合乾坤

心通造化

和神爽氣身備春秋

玉色金聲光昭日月自

聖祖仁皇帝龍馭上賓哀毀骨立又遇

皇太后鶴輶仙逝悲慟神傷兼之又朕

念切蒼生

神周赤縣但求百姓之樂幾忘

聖體之勞臣奉

皇使以來身居山左心繫

闕廷惟溽暑之未消冀

聖躬之調護敬抒寸悃恭請

萬安臣不勝犬馬依戀之至謹

奏

朕安覽爾等所奏雨澤并地方情形朕懷深慰摺暫留

中爾等其殫心竭力料理於此兩月內必不令窮黎有
一人填於溝壑方爲不辱朕之使命也勉之

雍正元年七月初九日戶部銀庫郎中臣博爾多

謹

奏爲恭報賑務事竊臣蒙

皇上天恩差往山東查明饑民動帑賑濟於六月十六
日前至濟南見雨水充盈秋禾茂盛卽於十八日

具摺奏

聞外隨會同山東巡撫臣確議照麥收歉薄之處於濟
兗東青四府屬及萊州府高密卽墨五縣分別大

太后中水州縣衛所動帑賑濟大州縣發銀三千兩中
聞後州縣發銀二千五百兩小州縣發銀二千兩衛所
神發銀一千五百兩共九十八處實動藩庫銀二十
聖體二萬四千兩於六月二十三日公同驗明兌發各
皇土府轉發各屬飭令確查實在乏食窮民按口給散
奏務使窮簷蔀屋盡沐

皇恩聖於七月初九日親赴各屬巡查仰遵

聖訓務使無一人填於溝壑以副聖車腹中
聖主愛民如子之心再東省於發銀之後二十七至二
十九三日連得雨澤各種禾穗俱碩大圓滿父老

子弟咸慶豐收至截留漕糧

欽差部員於本月初五日到濟臣同撫臣黃炳少卿臣
須洲郊迎跪請

聖安深慰犬馬依戀之意其漕務事宜撫臣已繕疏具
奏合併聲明謹

奏

知道了勉力自惜更當約束隨從人等毋得倚仗欽差
之勢騷擾地方

雍正元年八月十二日戶部銀庫郎中臣博爾多

謹奏

奏爲奏

聞事竊臣於六月二十一日入山東境內卽留心地方
官員賢否風聞藩司佟吉圖聲名狠好糧道余甸
操守亦好到濟之後二員一被叅拏卽有士民曲
文彬等百餘人環繞臣門具呈懇請

題留以慰輿望臣不敢據一時之聞見冒昧奏

聞及臣親赴各屬查賑單身密入村莊見百姓有聚談
佟藩之事者莫不咨嗟嘆息感激好官七月十八
日臣至濟寧州值佟吉圖解審河南百姓喧傳欲
罷市保留其經過之處往往如此臣受

聖主深恩故敢不避越職之罪冒昧據實奏

聞伏祈

睿鑒謹

奏

聲名雖好亦何能抵罪

同日又

奏爲遵

旨會審事竊臣於八月初六日回濟初七日卽會同撫
臣審理奉

旨所交李元龍一案嚴審李元龍據供家產實係盡交

旨親王至掌管夾訊王三及夥紀李先實俱堅供花費
間事無存止剩房產等項於初十日覆加嚴訊仍然供
旨會吐游移臣現與撫臣酌議詳加嚴審務得實情再
奏行具摺奏到濟之後二員一被系擊即有士民曲

聞謹同相父百餘人環繞臣門具呈懇請

聖鑒奏

貪吏之私人莫非助虐棍徒同黃炳嚴加審追

旨鑒鑄藩之事者莫不咨嗟嘆息感激好官七月十八

間升職至濟寧州值休吉聞解審河南百姓喧傳欲

望主親恩姑煩不繼越鄰之罪冒和難實奏



王三才等來訊王三才等紀漢先實但歷任花費
無存並嗣房產等項於初十日覆加嚴訊仍三供
王三才等認與應臣酌議詳加嚴審務將實情再
行具指

開道

奏

重之弘人越訪助廣民往同以時嚴加審起



